


KUSANKHA MKWATIBWI

 Wanthu wânandi mbarwari. Ine ningachita chara kuti ndi wafike wose iwo pa nyengo yimoza. Kweni, tegherezgani.

² Ine ndiri wakukondwa chomene kuti ndiriso kuno, usiku uwu, mu nyumba yakutowa iyi yakusoperamo, pakati pa gulu liweme ili la wanthu. Ndipo ise tafikanga, kuwaro uko, nyengo zichoko zajumpha, wanthu wayimirira kuwaro pa msewu wanguti iwo watondeka kunjira. Ndipo ine nanguti, “Inya, panyake ine ningamanya kumusangirani malo ghanyake imwe.” Ndipo iwo wanguwazomerezga chara iwo kuti wakambirane. Ntheura ine ndiri na chitima ise tilije malo ghakukwanira gha iwo. Iwo wakati chipinda chapasi ntchakuzura, nachoso. Ndipo ntheura ise tiri na chitima pa icho. Kweni ise tiri wakukondwa kuti tiri kuno, ndipo takondwa kuwona gulu lose liweme ili la wapharazgi, wanthu wamalonda kuno, na imwe mose nthumwi kufuma ku viga wa vyakupambanapambana vya charu.

³ Ine nanguwa na mwa wi ukuru wa kuyowoya mlenji uwu pa chakurya cha mlenji, cheneicho ine nadi nkhotora kuwa kuchindikika kuyowoya panthazi pa wanthu waweme wanthaura. Ine nanguwa pa chisambizgo cha: *Chikantha Ntha Chizamkuwa Chihaliri Pamoza na Tirigu*. Ine ntha nk hafika pa kumalizga ichi. Ndipo ichi ntha kuka wa—kutondeka kwa m’bale. Iyo wakayezga kuwayowoyeska wakuru wakuru kuti watizomerezge ise kuti tikhalire mwakurutirizgako pachoko, kweni iyo wakatondeka kuchita ichi. Ine nkhuwonga chomene icho, M’bale Demos. Icho nadi ndi, chiweme chomene. Ine nk hukuwonga chomene iwe chifukwa cha chisungusungu chako, waliyose na yumozayumoza. Kweni iwo ntha wakatzomerezga ise kuchita ichi. Ntheura ise tikayenera kuti waka—kujara waka. Ine ndizamkuchitora icho, nyengo yinyake, kuti ndizakamalizge icho: *Chikantha Ntha Chizamkuwa Chihaliri Pamoza na Tirigu*. Kasi imwe mukapulikiska ichi, imwe mwa wene imwe muka wa kuno? [Gulu likuti, “Amen.”—Munozgi.] Ine nk hugomezga muka wa vinandi kuti ichi chikamanya kupulikiskika.

⁴ Sono, ine nkhumanya, usiku uwu, liriko gulu, nakoso, ntheura ine nk hukumba chara kuti ndimusungeni imwe muno nyengo yitali chomene kuti imwe mungachiphonya icho. Chifukwa, ine nadi nk hughanaghana kuti icho chika wa chakukhumbikwira ku—ku wanthu—wakugomezga wa Pentekoste, gulu ilo ise tikaliwona usiku unyake. Gulu liweme lantheura la wanthu, mazgoro ghaweme ghantheura, ghakunyoroka. Ichi chikandipangiska ine kupulika makora chomene, kuwona icho. Ine nk hugomezga kuti Fumu yitumbikenge ichi, usiku uwu. Ndipo waliyose uyo wakula wiska,

nkhuromba iwo wâgomezge. Ilo liwenge lurombo lane lakufikapo.

⁵ Ndipo maripoti ghanandi chomene ghakwiza, muhanyauno, kwizira mu makalata na mafoni, za wânandi chomene wâkuchizgika mu ungoro uwu. Ine nangukondwa chomene za icho. Kuti, icho ndi, kuwona wânthu wârware, icho ndi mtundu wa utumiki wane.

⁶ Ine—ine nkhwiza kuno kuzakapharazga. Ine, imwe mukumanya, ine ndine mupharazgi chara. Kweni ine, na ichi, garamala yane ya ku Kentucky, “his, hain’t” na—na mazgu ghose agho, ntheura ine—ine ningayowoya chara ngati icho ise tikuchema mupharazgi wasono wa muhanyauno. Ine—ine ningatora chara malo agho, chifukwa ine—ine ndirije masambiro.

⁷ Kweni ine nkhutemwa kuyowoya icho ine nkhumanya za Ichi, ku wanyake, panji icho ine nkughanaghana kuti ine nkhumanya za Ichi, ku wanyake, umo ine ndiri kusambirira Ichi, umo Iyo waliri kwa ine. Iyo ndi umoyo wane wose, vyose ivyo ine ningakhazga kuzakawa, na vinandi chomene kuruska umo ine nkughanaghanira, kuti ine ndizamkuwapo na mubwezi, munthowa yiriyose, pa charu chapasi, apo ine nkhaŵa mnyamata muchoko. Kweni ine ndiri wakuwonga chomene chifukwa cha wabwezi waweme muhanyauno.

⁸ Ine ndiri... [M'bale wakuti, “Wali na suzgo pachoko kupulikanga kunyuma kula, M'bale Branham. Senderera kufupi.”—Munozgi.] O, phepani. Ine—ine nkhuŵa nkhumuwonani makora chara kuno, kumalo kunyake, iyo wakayowoya.

⁹ Sono, kuti ndirunjike nkhanira mu chisopo, tiyeni tijure kuti tiwazge Malemba ghanyake. Ine—ine nyengo zose nkhutemwa kuwazga Baibolo, chifukwa Ili ndi Mazgu gha Chiuta. Ine nkugomezga icho. Ndipo ine nkugomezga Ili kuŵa Mazgu gha Chiuta ghambura kutondeka. Ndipo sono ine ndiri na Malemba ghachoko ndalembe apa, na manotisi ghanyake agho ine nkukhumba kuti ndiyowoyepo, pa nyengo zichoko, panyake maminiti fote-fayivi.

¹⁰ Ndipo ntheura ise tifumenge mu nyengo yake kuti tirute tikaliwoneso gulu liweme ili usiku uwu. Ndipo ine nkugomezga kuti Chiuta warutirirenge kumutumbikani imwe nkhanira mpaka kumalizga. Ndipo ine nkhumanya icho imwe mukwenera kuti muchite. Ndipo ine nkhuenera kuti ndirute ku Tucson, munthowa yiriyose, usiku uwu, wonani, ntheura imwe mungamanya kughanaghanira. Uwo ndi ulendo wa maora teni pa galimoto.

¹¹ Ndipo ine ndirutenge kusirya kwa nyanja, ndipo ine nkhuenera kuti ndipokere jekiseni ya yellow fever pa kupimika na mlenji ku boma. Ntheura ine—ine nkhuenera kuti ndirute

kudera kula. Ine nkhasintha, zuŵa linyake, ndipo iwo ntha ŵazamkutoraso “yayi” kuŵa zgoro sono. Ndipo ine ndakhala na yimoza yinyake ya tetanus na typhus kuti ndigwazike, na vyakundikhozga vyane.

¹² Ntheura, ine ntheura ndiri wakuwonga chomene chifukwa cha mwaŵi uwu, na—na ungoro uweme uwu tikaŵa nawo kumayambiro kwa ungoro ukuru. Ichi nadi chikasanguruska mtima wane. Imwe ndimwe gulu liweme la ŵanthu. Ine nkhuomezga kuti Chiuta wamutumbikeninge imwe.

¹³ Para ora likuru likati... Chikoko chikuru chira chikaŵa kumtunda kula, icho chikajiponya ichochekha mu Alaska, mazuŵa ghachoko ghajumphu, changuonyaso mchira wake muchanya mlenji uwu, pafupifupi chakudera, kusika kuzungulira mu Washington. Iyo wakamanya kuruta kurazga kudera uku, mwakuphweka mwankhongono. Ndipo usange Mzimu Mutuŵa wakundiphalira ine mwakurunjika... .

¹⁴ Munthu munyake wakaŵa zgoro... kundifumbanga ine kuti, “Kasi ichi chizamkuchitika kuno, M’bale Branham?” Chara, ine nkhumanya chara icho. Ine nkhumanya waka chara, mpaka ine ndimanye. Uwo ndi unenesko.

¹⁵ Ine nyengo zose nkhuukumba kuŵa muneneska na imwe. Ine ndighanaghanirenge waka chara, kutora fundo zirizose, panji yinyake, icho ine nkhuomezga, panji chinyake ngati icho. Para ine nkhumuphalirani imwe, icho chizamkuŵako. Inya, Iyo wakwenera kuti wandiphalire ine, chakudanga, ndipo pamanyuma ine ndimuphalireninge imwe. Ine—ine nkhumanya charu chose chiri mu kaŵiro kakugwedezgeka. Ise tiri ku nyengo yaumaliro. Kweni chinthu chimoza ine ndiri kuyezga kuŵa... .

¹⁶ M’bale Shakarian wayowoyanga mlenji uwu, umo iyo wakachitiranga kuyendanga mu mizere yapemphero, na kuruta kusika kula na kutora makadi ghara gha mapemphero pambere ŵanthu ŵandafike, na kughalaŵiska igho, na kuwona kwali—kwali ine nkhaŵaphalira iwo ivyo iwo ŵakalemba kuwaro kula. Iwo ŵakulemba mtundu wose wa vinthu pa makadi ghawo gha mapemphero, imwe mukumanya, ndipo iyo wakhumbanga waka kuti wawone usange ichi chikaŵa chaunenesko. Iyo wakati, pa mahandiredi agho iyo wakasanthurapo, ntha chikaŵapo chimoza chikaŵa chakwanangika. [M’bale Shakarian wakuti, “Ntha chikaŵapo chimoza chakwanangika.”—Munozgi.] Ntha chizamkuŵapo chimoza chakwanangika, wonani, chifukwa, malinga—malinga ichi ndi Chiuta. Usange ine ndijiŵikengemo ndamwene mu ichi, ntheura ichi ndi chakwanangika nkhanira kufuma penepara pa kuyamba.

¹⁷ Msungwana muchoko uyo dada wake wali chikhalire, kutegherezanga kwa ine sono, wakiza kwa ine, kale chomene chara. Iyo wakaŵa na loto. Iyo wakati, “M’bale Branham, kasi loto ili likung’anamura vichi?”

18 Ine nkhati, “ine nkhumanya chara, mlongosi. Ine nkhuenera kuti ndifufuze, usange Fumu yindiphalirenge ine.” Ntheura ine nkharutirira ndipo nkhaveyega kuti ndifumbe Fumu, ndipo Iyo ntha wakandiphalira ine.

19 Msungwana muchoko wakizaso. Iyo wakati, “Inya, sono kasi kulinkhu kumasulira kwa loto lane?”

20 Ine nkhati, “Zanga kuno, wakutemweka, khala pasi.” Ine nkhati, “Dada na mama wako ndi wabwezi waweme chomene wa ine. Ukuwona? Ndipo iwo wafika kufuma kutali ku Canada, wali kupumura ntchito, ndipo wakukhala kuno na ine. Iwo wakugomezga ichi, icho ine nkhuvezga kuyowoya. Ndipo ine ntha ndiri kuyowoyapo chinyake chakwanangika kwa munyake, mwakuhumba, mu umoyo wane. Usange ine...Ine nkughanaghana ine nkhumanya icho loto likung’anamura. Kweni mpaka ine ndiliwone loto ilo ndamwene, ndipo pamanyuma Iyo wandiphalire ine icho ili likung’anamura, ine ningakuphalira chara iwe. Wona, usange ine napanga waka chinyake, panji yizamkuwako nyengo uko iwe uzamkundikhumba ine pakatikati pa umoyo na nyifwa, ndipo ntheura iwe uzamkumanya chara kwali undigomezge ine panji chara.”

21 Usange ine ndakuphalira chinyake iwe mu Zina la Fumu, mbunenesko nadi ndicho. Ndicho Iyo wakandiphalira ine. Ndipo kufika apa, pa virimika vyose ivi, charu chose, na kuzungulira charu, Ichi ntha chiri kuwapo chakwanangika nyengo yimoza. Chifukwa...Ndipo, sono, imwe mukumanya munthu ntha wanga wa wambura kutondeka mwantheura. Chikutorera Mzimu wa Chiuta kuchita icho.

22 Ndipo sono ine ndiri na Uthenga uwo ine ndizamkuzgorerapo. Ndipo nyengo zinandi ine ndiri kughanaghanirika, pakati pa wanthu, inya, panyake munyake uyo ntha wakakhala pasi na kughanaghana miniti pera, kuti ine nkha wa a—a, o, munthu wakofya, kuti ine ntha nkha watemwa wanthu, ndipo ine nyengo zose nkha wakwenyerezganga iwo. Ndipo icho chiri ntheura chara. Icho chiri ntheura chara. Ine nkhu watemwa wanthu. Kweni, imwe mukumanya, chitemwa chikususka.

23 Usange mnyamata winu muchoko wangukhala mu msewu kuwaro kula, ndipo imwe mwanguti, “Junior, wakutemweka, ine nkhu khumba chara iwe kukhalanga kuwaro uko, kweni...” Ndipo magalimoto kujumphanga kufupi kwa iyo, ndipo imwe mwamufumiskako iyo. Iyo wakuchimbirirakoso kuwaro. Chifukwa, imwe mukwenera kuti mumususke iyo. Usange imwe mukumutemwa iyo, imwe muchitenge. Imwe mukwenera kuchita.

24 Usange imwe mukawona munthu wakukhira na mronga, kurazga ku chipopoma, mu boti lichoko, kuti imwe mukumanya

kuti boti lira libirenge para iyo wafika ku chipopoma, kasi imwe mungayowoya, “John, iwe, panyake iwe ukwenera kuti ughanaghane danga, panyake iwe ujumphenge chara ichi”? Usange ine nkhumanya kuti iyo wachitenge chara ichi, ine pafupifupi ndimuguzirenge iyo kuwaro kwa boti, usange ine ningafiska, chifukwa ndi chitemwa icho chikuchita icho.

²⁵ Ndipo sono, mu Mauthenga agha agho ine nkhuwowyoya, ine nthā nkhuwezga kuŵikamo chisambizgo chinyake, panji chinyake chirichose. Ine—ine nkhuwuchita icho mu mpingo wane. Kweni kuwaro kuno pakati pa ŵanarumi na ŵanakazi awo mba mabungwe ghakupambanapambana na fundo zakupambanapambana, ine nkhuwezga waka kuŵikamo waka munthowa yakufewa, kurongosora; kweni mwakukwanira kufika kuti usange iwe ndiwe wakubabika na Mzimu wa Chiuta, ine nkhuomezga iwe upulikiskenge icho ine nkhuŵanamura, pakati pa ŵanthu Ŵakhristu, Methodist, Baptist, Prezibetere, na ŵanyake.

²⁶ Sono, usiku uwu, ine nkhuwukumba kuti ndijure ku Genesis, chipatulo 24. Ine nkhuwukumba kuti ndiŵazge. . . kuyambira vesi 12 la chipatulo 24 cha Genesis.

Ndipo iyo wakayowoya, O YEHOVA Chiuta. . . bwana wane Abraham, ine nkhumuŵeyani imwe, munditume ulendo ine muhanyauno, ndipo murongore chisungusungu kwa bwana wane Abraham.

Wonani, ine ndayimirira pano pa chisime cha maji; ndipo ŵana ŵanakazi ŵa ŵanthu ŵa msumba ŵakwiza kuzakanegha maji:

Ndipo zomerezgani ichi chichitike, kuti mwanakazi kwa uyo ine tindinene, Khizga chiŵiŵi chako, ine nkhuwukweya iwe, kuti ine panji ningamwa maji; ndipo iyo wati wayowoye, Imwani, ndipo ine ndiperekenge ku ngamira zinu kuti zimwe nazoso: zomerezgani mweneuyu waŵe iyo mweneuyo imwe mwasankhira muteŵeti winu Isaac; ndipo mwantheura ine ndimanyenge kuti imwe mwanthirongora ine chisungusungu kuti. . . kwa bwana wane.

²⁷ Ndipo nthaura mu Buku la Chivumbuzi. Icho ndi lakudanga la Baibolo, Genesis. Sono, mu laumaliro la Baibolo, ine nkhuwukumba kuti ndiŵazge mu chipatulo 21 cha Chivumbuzi, ndipo vesi 9.

²⁸ Ise tikumanaya icho Lemba ili la Genesis apa. . . Imwe muŵazge chipatulo chose, usange imwe mukukhumba. Ndi Chiuta wakatuma Eliezer. Panji, Abraham kutumanga Eliezer, mundigowokere ine, kuti wakamusankhire mkwatibwi Isaac. Ndipo Rabeka wakatowa wakiza, ndipo mu zgoro lakufikapo ku lurombo ilo—ilo Eliezer, wantchito wa Abraham, wakaromba.

Sono mu vesi 9 la chipatulo 21 cha Chivumbuzi.

Ndipo kukiza kwa ine yumoza wa wangelo w̄ara seveni uyo wakaŵa na w̄adila seveni w̄akuzura na vilengo seveni vyaumaliro, ndipo wakayowoya na ine, kuti, Senderera kufupi, ndipo ine ndikurongorenge iwe mkwatibwi, muwoli wa Mwanamberere.

²⁹ Sono ine nkhuKhumba kuti nditorepo kuŵa chisambizgo, usiku uwu, chakuti: *Kusankha Mkwatibwi*. Ndipo ichi ndi, usange m'bale wane uyo wakujambura muno wachitenge, iyi ndi tepi iyo imwe mungamanya kujambura na kuyitumizga.

³⁰ Ndipo sono, mu ichi, ichi nthā chikung'anamura ndendende kuti ine nkhuYowoya ichi ku gulu ili liri pano, kweni matepi agha ghakuruta charu chose. Igho ghakumasulirika mu, pafupifupi, o, viyowoyero vinandiko, nanga nkhuFika ku vyaru vya wambura kugomezga charu chose. Ise tikutumizga matepi agho, kwaulere, pa gulu la mpingo. Ndipo igho ghakumasulirika. Ndipo kose mu mizi ya Africa, na ku India, na charu chose, ghakuruta matepi agha.

Sono, kusankha Mkwatibwi!

³¹ Mu vinthu vinandi vya umoyo ise tikupika chisankho. Nthowa ya umoyo, iyoyene, ndi chisankho. Ise tiri nawo wanangwa wakupanga nthowa yithu, kusankha nthowa yithu iyo ise tikukhumba kukhala umoyo.

³² Masambiro ndi chisankho. Ise tingamanya kusankha kwali ise tisambirenge, kwali ise tisambirenge chara. Icho ndi chisankho icho ise tiri nacho.

³³ Chiweme na chiheni ndi chisankho. Mwanarumi waliyose, mwanakazi waliyose, mnyamata panji msungwana, wakwenera kuti wasankhe kwali iwo w̄ayezgenge kukhala umoyo uweme panji nthā kukhala umoyo uweme. Ndi chisankho.

Chisankho ndi chinthu chikuru.

³⁴ Ulendo winu wa ku umuyaya ndi chisankho. Ndipo panyake, usiku uwu, w̄anji w̄a imwe mupangenge icho—chisankho icho, uko imwe mwamkukhala Muyirayira, pambere chisopo ichi chindamare usiku uwu. Yizamkuw̄ako nyengo yimoza, kuti, usange imwe mukamukana Chiuta nyengo zinandi, yizamkuw̄ako nyengo yimoza imwe muzamkumukana Iyo nyengo yaumaliro. Pali mzere pakatikati pa lusungu na cheruzgo. Ndipo ndi chinthu chakofya kwa mwanarumi panji mwanakazi, mnyamata panji msungwana, kuyenda kujumpha mzere ula, pakuti kulije kuwerera para wayenda wajumpha nyengo yira yaumaliro. Ntheura, usiku uwu, panji yiwenge nyengo apo w̄anandi w̄apangenge chawo—chigamuro chawo, uko iwo w̄amkukhala Muyirayira wambura kumara.

³⁵ Chiriko chisankho chinyake icho ise tiri nacho mu umoyo, icho ndi, mubwezi mu umoyo wako wose. Mwanarumi wachinyamata panji mwanakazi wachisungwana, pakukura mu

umoyo, wali—wali kupika wanangwa wa kupanga chisankho. Mwanarumi wachinyamata wakusankha. Mwanakazi wachisungwana wali na wanangwa kuzomera panji kukana ichi. Kweni ndi chisankho ndithu, pa vigaŵa vyose viŵiri. Wose mwanarumi na mwanakazi, iwo ŵali nawo wanangwa wa chisankho.

Kweniso, imwe muli nacho chisankho, ngati Mukhristu.

³⁶ Imwe muli nacho chisankho cha mpingo, muno mu America, umo nkhumanyira, uko imwe mungamanya kuruta. Uwo ndi mwaŵi winu wakuŵa waku America, kuti musankhe mpingo uliwose uwo imwe mukukhumba kuti muŵemo. Icho ndi chisankho. Imwe nthā mukwenera kuti murutenge ku uliwose wa iyo, usange imwe mukukhumba chara. Kweni usange imwe mukukhumba kusintha kufuma ku Methodist kuruta ku Baptist, panji Katolika kuruta ku Protestant, panji kunyake nthēura, kulije munthu wangamanya kumuphalirani imwe panji kumupangani imwe kwiza ku mpingo unyake uliwose. Uwo ndi withu—uwo ndi wanangwa withu. Icho ndicho demokirase yithu yiri. Munthu waliyose wangamanya kujisankhira iyomwene. Wanangwa wa kusopa, ndipo icho ndi a—chinthu chikuru. Chiuta mutivwire ise kusungirira ichi malinga ise tingafiska.

³⁷ Imwe muliso nacho chisankho. Kwali... Para imwe mwasankha mpingo uwu, imwe mungamanya kusankha kwali imwe, mu mpingo uwu, kwali imwe musankhenge mpingo uwu umurongozgereninge imwe ku ulendo winu wa ku Muyaya. Imwe mungamanya kusankha mpingo uwo uli na kachitiro kanyake ka chigomezgo, ako imwe panji mungaghanaghana kuti kachitiro ka chigomezgo ako ndiko imwe mukukhumba. Panji, mpingo unyake uli na kachitiro kawo ka chigomezgo.

³⁸ Ndipo nthēura pali Mazgu gha Chiuta, imwe muli nacho chisankho. Imwe mukwenera kuti mupange chisankho.

Pali dango lambura kulembeka pakati pithu, la kusankha.

³⁹ Ine nkhuomezga wakaŵa Elija, nyengo yimoza, pa Phiri la Karmel, pamanyuma pa chiwoneskero, mu ora likuru la chitimbaheti ilo ise tiri waka pafupi kufikako sono nthēna. Panyake, lingamanya kuŵa kwa imwe panji ine, usiku uwu, kuti ise tipange chisankho ichi, ngati ndi chakuchitika pa Phiri la Karmel. Mu unenesko, ine nkhuhanaghana kuti ichi chikurutirira, charu chose, sono. Kweni mwasonosono yizamkuŵako nyengo uko kuti imwe mukwenera kuti mupange chisankho.

⁴⁰ Ndipo mwaŵanthu imwe kuno, ŵa mipingo yinu ya mabungwe, gomezgani waka ichi, kuti ora liri nkhanira pa imwe, apo imwe mupangenge chisankho. Imwe panji munjirenge mu Mphara ya Charu, panji imwe nthā muŵengeso wa bungwe munthowa yiriyose. Imwe mukwenera kuti muchite icho, ndipo chisankho icho chikwiza mwasonosono.

41 Ndipo ndi chinthu chakofya kulindizga mpaka ora laumaliro lira, naloso, chifukwa panji imwe mungatora chinyake icho imwe nthu mungazakafumamo mwa icho. Imwe mukumanya, yiripo nyengo apo imwe mungamanya kuchenjezgeka, pamanyuma, usange imwe mwayenda kujumpha mzere ula wa ntchenjezgo, mbwenu imwe mwayambukira kale ku chigaŵa chinyake, mwadindika.

42 Kumbukirani, para chirimika cha chikondwerero chafika, ndipo a—wasembe wakayenda na mbata yake yikulira, kuti muzga waliyose wakwenera kumasulika. Kwenu usange iwo ŵakana kuzomera wanangwa wawo, nthura iyo wakayenera kutorekera ku tempile, ku chikuni, ndipo chisulo chimudolore khutu iyo, ndipo nthura iyo wakamutumikira bwana wake nyengo zose. Ichi chikaŵikika pa khutu lake ngati chithuzithuzi, cha kupulika. “Chipulikano chikwiza pa kupulika.” Iyo wakayipulika mbata yira, kwenu iyo wakakhumba chara kupulikira ku iyi.

43 Ndipo nyengo zinandi, ŵanarumi na ŵanakazi ŵakupulika Unenesko wa Chiuta, ndipo ŵakuchiwona Ichi chikukhozgeka na kusimikizgika, Unenesko, kwenu ndipouli iwo ŵakukhumba chara kupulika Ichi. Chiripo chifukwa chinyake. Kuliko kusankha kunyake uko iwo ŵali nako, kuruska kuzomera Unenesko na fundo, ipo makutu ghawo ghangamanya kujarika ku Ivangeli. Iwo nthu ŵazamkuwupulikaso Uwu. Ntchenjezgo yane kwa imwe, para Chiuta wayowoya ku mtima winu, imwe chitani ichi nkhanira penepapo.

44 Elija wakaŵapa iwo chisankho, cheneicho iwo ŵakayenera kuchita: “Sankhani imwe muhanyauno uyo imwe mutumikirenge. Usange Chiuta ndi Chiuta, mutumikireni Iyo. Kwenu usange Baal ndi Chiuta, mutumikireni iyo.”

45 Sono, apo ise tikuwona kuti vinthu vyose vyakuthupi ndi chithuzithuzi cha vinthu vyauzimu, umo ise tanguyowoyera mu chisambizgo chithu mlenji uwu, ngati zuŵa na chilengiwa chake. Lira likaŵa Baibolo lane lakudanga. Pambere ine nkhaŵa nindaŵazge peji mu Baibolo, ine nkhamumanya Chiuta. Chifukwa, Baibolo liri kulembeka palipose mu chilengiwa, ndipo ichi chikulingana waka na Mazgu gha Chiuta: umo nyifwa, kusungika, chiwuka cha chilengiwa; ndipo zuŵa kufumanga, kujumphanga, kutchonanga, kufwanga, kuwukangaso. Kuli vinthu vinandi chomene ivyo ise tingamanya kulinganizgako, Chiuta mu chilengiwa, ivyo ise tikwenera kuti tivileke, mu Uthenga uwu.

46 Sono, usange chazimu, panji, chakuthupi ndi chithuzithuzi cha ku uzimu, ipo, kusankha mkwatibwi, mu kuthupi, ndi chithuzithuzi cha kusankha Mkwatibwi, Mkwatibwi, mu uzimu.

47 Sono, ndi chinthu chakofya para ise tikuruta ku kusankha muwoli, mwanarumi, pakuti kulumbira apa ndi mpaka

nyifwa ndipo ise tizamkupatukana. Umo ndimo ise tikwenera kusungira ichi. Ndipo imwe mukupanga lumbiro ilo panthazi pa Chiuta, kuti nyifwa yekha ndiyo yizamkumupatulani imwe. Ndipo ine nkughanaghana kuti ise tikwenera... Mwanarumi mu kulingalira kwake kuweme, uyo wakunozgera vyakunthazi, kuti iyo wakwenera kusankha muwoli yura mwakuwoneseska chomene. Chenjera na icho iwe ukuchita. Ndipo mwanakazi kusankha mwanarumi, panji kuzomera chisankho cha mwanarumi, wakwenera kuwa wakuwoneseska chomene icho iyo wakuchita, ndipo chomenechomene mu mazuwa agha. Mwanarumi wakwenera kuti waghanaghane na kuromba pambere iyo wandasankhe muwoli.

⁴⁸ Ine nkughanaghana, muhanyauno, icho chiri na milandu yinanadi chomene ya kupatana sono, kuti ise tikudangirira charu mu America, mu milandu ya kupatana. Ise tikudangirira charu chose. Kuli kupatana kunandi chomene kuno kuruska kunyake kulikose, charu ichi, ndipo chikwenera kuwa nthura, ndipo chikughanaghanirika, charu cha Ukhristu. Chasoni uli, milandu yithu ya kupatana! Ine nkughanaghana, chifukwa cha ichi, ndi chifukwa chakuti wanarumi wali kufumako kwa Chiuta, ndipo wanakazi wali kufumako kwa Chiuta.

⁴⁹ Ndipo ise tikusanga, kuti, usange mwanarumi wakaromba ndipo mwanakazi wakaromba pa nkhani iyi; ntha kulaŵiska waka pa kaŵiro ka kawonekero kaweme ka maso, panji mapewa ghakuru ghankhongono, panji vinyake ngati icho, panji kutowa kunyake kwa kucharu; kweni kulaŵiska danga kwa Chiuta, na kuti, “Chiuta, kasi uku ndi kunozgera Kwinu?”

⁵⁰ Ine nkughanaghana, muhanyauno, kuli kupusikana kunandi chomene, ngati waka ndi mu sukulu. Para—para wana wafika, ku mlenji, wana wanandi mu uzengezani, kuti—kuti wabwezi wa ine, wafikenge na kuti, “M’bale Branham, kasi iwe ungatirombera ise? Ise tiwenge na—na vilingwa muhanyauno. Ine—ine natokatoka usiku wose, ndipo ine ntha nkhuwona kuti ine ningamanya—ningamanya kuchikhazikiska ichi. Mundirombere ine.” Ine nkughanaghana kuti mwana waliyose wa sukulu, usange iwe ungafiska, usange... Ndipo wapapi pa thebulo mlenji: iwe ungamanya kuyowoya, “Amama, John wali na vilingwa muhanyauno. Tiyeni timurombere iyo sono.” Ine nkughanaghana kuti ichi chingaruska vyose ivyo iwe ungamanya kuchita mu nthowa yiriyose, panji kulaŵiskanga pa pepala la munthu munyake na kubekeranga. Ine nkughanaghana usange iwe ungafika waka na kurombera chinthu ichi.

⁵¹ Ndipo usange ise tingawoneseska ivyo ise tikuchita para ise tinjirenge mu nthengwa, para ise tikusankha muwoli withu, mwanarumi withu, usange ise tingawoneseska ichi kamosaso! Mwanarumi wakwenera kuti warombe mwakufikapo, pakuti iyo wangamanya kunanga umoyo wake wose. Kumbukirani,

lumbiro ndakuti “mpaka nyifwa ndipo tizamkupatikana,” ndipo mwanarumi wangamanya kunanga umoyo wake pa kupanga chisankho chakwanangika. Kweni usange mwanarumi wakumanya kuti, iyo wakupanga chisankho chakwanangika ndipo wakutora mwanakazi uyo ntha ngwakwenerera kuwa muwoli wake, ndipo iyo wakuchita ichi munthowa yiriyose, nthaura uku ndi kutondeka kwake. Usange mwanakazi wakutorana na mwanarumi ndipo wakumanya kuti iyo ntha ndi mfumu wakwenerera kwa iwe, nthaura uko ndi kutondeka kwako, pamanyuma pakuti iwe wamanya icho ntchiweme na chiheni. Nthaura, iwe ntha ungachitanga ichi mpaka iwe urombe mwakukwanira.

⁵² Chantheuraso chikuchitika pa kusankha mpingo. Sono, iwe ukwenera kuti urombe za mpingo uwo iwe ukusopamo. Kumbukira, mipingo yiri na mzimu.

⁵³ Sono, ine nkhuKhumba chara kuwa wakususka. Kweni ine nkhuwona kuti ine ndine munthu mulara, ndipo ine nkhuYenera kuti ndizakafumeko kuno, limoza la mazuwa agha. Ndipo ine nkhuYenera kukazgora pa Zuwa la Cheruzgo pa icho ine nkhuYowoya usiku uwu panji nyengo yinyake yiriyose. Ndipo ine, ipo, ine nkhuYenera kuwa wakugomezgeka chomene na muneneska mwakufikapo.

⁵⁴ Kweni, iwe ukunjira mu mpingo, ndipo usange iwe uwonenge nkharo ya mpingo ula, iwe ulaŵiske waka mliska pa kanyengo, ndipo iwe nyengo zinandi usangenge kuti mpingo ukuchita ngati mliska. Nyengo zinyake, ine nkhuZizwa usange ise ntha tikukoperana mzimu wa yumoza na munyake m'malo mwa Mzimu Mutuwa. Iwe urute ku malo uko mliska nadi wakuchito mwakuwonjeza na kurutiriranga, iwe usangenge kuti gulu liri ntheuraso. Ine ndimutoreninge imwe ku mpingo uko ine nkhuwona mliska wakuyimirira, wakusunkhunyiska mitu yawo kunyuma na kunthazi. Imwe muwone gulu, iwo wakuchita chinthu chenechira. Iwe utore mliska, wakuzomerezga waka chirichose, kenenanandi mpingo uchitenge chinthu chenechira. Nthaura, usange ine nkhasankhenge mpingo, ine mbwenu ndisankhenge wakufikapo, wakuyima pa unenesko, Ivangeli Lakukwanira, mpingo wa Baibolo, usange ine nkhasankhenge umoza wakuti ndiŵikemo banja lane. Kusankha. Ine nkhalawiska. . .

⁵⁵ Wanyamata, zuwa linyake, mwana wa M'bale Shakarian na mkweni wake, wakanditorera ine kumtunda kuno kuti nkharombere munthu wachinyamata, mwimbi, mnyamata muweme. Nkhaŵa kuti ndawerako waka. . . Fred Barker, ndilo likaŵa zina lake, wakaŵa kuti wawerako waka ku ulendo. Ndipo iwo wakandichemeska ine, kuti, “Fred wakafwanga.” Ndipo pamanyuma, pambere ine nkhaŵa kuti nindanjire mu nyumba, uthenga unyake ukafika, “Iyo panji wangaŵa kuti wafwa sono nthena.” Ndipo iyo wakati iyo wakaŵa na—kuphulika

msempha mu mongo, ndipo iyo wakachita zazi, ndipo—ndipo iyo wakafwanga, ndipo muwoli wake wakakhumbanga kuti ine nkhamurombere iyo.

⁵⁶ Ndipo ine nkhashanaghana, “O, usange ine ndiyezgenge kukwera denge, iyo waŵenge kuti wafwa pambere ine nindafike kula, ndipo panji wangaŵa kuti wafwa sono.” Ntheura, ine nkhaŵona mwaluŵiro ndipo nkhamusanga mwanakazi muchoko pa foni. Ndipo—ndipo ise tikatora foni ya chingwe, na kuŵika ku khutu la Fred. Iyo wakatondekanga kumira. Iwo ŵakachitanga kumuryeska iyo. Ndipo para ise tikati tamurombera iyo, iyo wakati, wakasunkhunika, fumiskaniko ichi ku chigolomiro chake. Iyo wakamanyanga kurya. Madokotala ntha ghakagomezga ichi. Iwo ŵakafumiskako ichi, ndipo iyo wakamanya kumira. Iyo wakakhazikika, zuŵa linyake.

Mpingo; kusankha mpingo.

⁵⁷ Ntchemo ya pa foni yikafika waka, kanyengo kajumpha. Mlenji uwu, membara wa mpingo wane, uyo nadi ndi mwanakazi wa Baptist kufuma ku Louisville, iyo wangufwa kumatanda kucha mlenji uwu. Ndipo mpingo wane kukaya, gulu leneko la ŵanthu ŵakujipereka, ŵakawungana iwoŵene pamoza ndipo ŵakarutako, pambere ŵakunozga mathupi ŵakaŵa ŵandamuwomizge na mankhwala ghakomizgira, ŵakayimirira kumuzingirizga iyo, ŵakaromba mpaka umoyo ukawerera mwa iyo. Ndipo iyo ngwamoyo, usiku uwu. Ŵalaraŵalara ŵa mpingo wane, chifukwa, iwo ŵali kusambizgika kugomezga kuti vinthu vyose ndi vyamachitiko, kwiza kwa Chiuta mwakugomezga.

Ntheura, imwe mukwenera kupanga chisankho chakwenerera.

⁵⁸ Kweniso, mtundu wa mwanakazi uyo mwanarumi wangamanya kusankha, wawoneskenge vyakukhumba vyake na nkharo yake. Usange mwanarumi wasankha mwanakazi wakwenerera chara, ichi chikuwoneska nkharo yake. Ndipo icho iyo wakujugumatizgako, chikurongora nkhanira icho chiri mwa iyo. Mwanakazi wakuwoneska icho chiri mu mwanarumi para iyo wakusankha mwanakazi kuŵa muwoli wake. Ichi chikurongora icho chiri mkati mwa iyo. Kwali mwanarumi wakuyowoya vichi kuwaro, wonani icho iyo wakatora.

⁵⁹ Ine kuruta ku ofesi ya mwanarumi, ndipo iyo wakuti iyo ndi Mukhristu; vithuzithuzi palipose pa vipupa, sumu yira ya gwedemura-gwedemura yikuyimba. Ine nkhuwonerera chara icho iyo wakuyowoya. Ine nkhuwomezga chara ukaboni wake, chifukwa mzimu wake ukurya pa vinthu vira vya charu. Vichi, mukuti, usange iyo wangatora msungwana mwimbi, panji uli usange iyo wangatora fumukazi yizaghali, panji wakuwoneka waka makora, ricketta wamazuŵa agha? Ichi chikuwoneskera. Ichi chikurongora icho iyo wali nacho mu malingaliro ghake,

za icho nyumba yake yakunthazi yizamkuwira, chifukwa iyo wamutora mwanakazi kuti wababiremo wana. Ndipo chirichose icho mwanakazi wali, umo ndimo iyo walerenge wana wara. Ntheura, ichi chikuwoneska icho chiri mu mwanarumi. Mwanarumi uyo wakutora mwanakazi ngati yura, chikurongora waka icho iyo wakughanaghana za vyakunthazi.

⁶⁰ Kasi imwe mungalingalira Mukhristu kuchitanga chinthu ngati icho? Chara, bwana. Ine ningachita chara. Mukhristu muneneska ntha wapenjenge mafumukazi ghakutowa ntheura, na wasungwana wimbi, na mafumukazi ghazaghali. Iyo wapenjenge nkharo ya Mukhristu.

⁶¹ Sono, imwe munga wa na vinthu vyose chara. Panji panga wa msungwana yumoza uyo wanga wa wakuwoneka makora nadi. Ndipo msungwana munyake, panji iyo ndi a... kapangikiro kake kakuwoneka makora kuruska yumoza uyu. Ndipo iwe ukwenera kuti uleke yumoza kuti utore munyake, kweni, usange iyo ntha ndi wakapangikiro ka dona, ka mwanakazi. Ndipo, iyo... Ine nkhopwerera chara kwali iyo wakuwoneka makora panji chara. Iwe ntchiweme ula wiske pa nkharo yake, kwali iyo wakuwoneka makora panji chara.

⁶² Sono, pakuti, ichi ntchakwenerera, usange Mukhristu wangasankha muwoli, mwanarumi wakwenera kuti wasankhe wakufikapo, mwanakazi-wakubabikaso, kwambura kupwerera umo iyo wakuwonekera. Ndi icho iyo wali, ndicho chikumupanga iyo. Ndipo ntheura, kweniso, icho chikuwoneska nkharo ya mwanarumi yauchiuta, ndipo chikuwoneskera icho chiri mu malingaliro ghake na icho iyo wazamkuwa kunthazi, pakuti banja lake lizamkulereka na mwanakazi wantheura, ku vyakunozgera vyakunthazi vya nyumba yake.

⁶³ Usange mwanarumi watora yumoza wa maricketta ghamazuwa ghasono agha, mafumukazi ghazaghali, kasi iyo wakhazgenge vichi? Kasi ndi mtundu uli wa nyumba mwanarumi wangakhazga kuzaka wa nayo? Usange mwanarumi watora msungwana uyo ntha wali na nkharo yakukwana pa iyo kuti wangakhala pa nyumba na kupwelerera nyumba, ndipo wakukhumba wakagwirenge ntchito ku ofesi ya munthu munyake, kasi iyo wazamkuwa msungiriri nyumba wa mtundu uli? Iwe ukwenera kuzaka wa na wakulera wana na chinyake chirichose. Ndi unenesko.

⁶⁴ Sono, ine ntha nkhutemwa viwi sangurusko ili lamazuwa ghasono, la wanakazi kugwiranga ntchito. Para ine nkhuwona wanakazi a wa wawwara mauniformu agha, kuyendanga kuzungulira mu msumba uwu, pa mithuthuthu, ngati wapolisi, ndi chakukhozga soni ku msumba uli wose uwo uzomerezgenge mwanakazi kuchita icho. Mukuwona? Mukuwona? Umo wanarumi wanandi walijire ntchito, ichi chikurongora

kaghanaghaniro kasono ka msumba withu. Ichi chikurongora kukhozga soni. Ise ntha tikwenera kuwa na wanakazi wara kuwaro uko ngati ntheura. Iwo walije chakuchita kuwaro kula ngati ntheura.

⁶⁵ Para Chiuta wakapereka muwoli ku mwanarumi, Iyo wakamupa mwanarumi chinthu chiweme chomene Iyo wakamanya kupereka, kuwaro kwa chiponosko. Kweni para yumozza wakuruta kuyezga kutora malo gha mwanarumi, ntheura mwanakazi ndi pafupifupi chinthu chiheni chomene icho mwanarumi wangamanya kuwa nacho. Sono, uwo ndi unesko. Mukuwona?

Sono ise tingamanya kuwonapo chilinganizgo chauzimu.

⁶⁶ Ine—ine nkhumanya icho ntchiheni, imwe mukughanaghana kuti ichi ntchiheni, kweni ndi Unesko. Ise tikupwerera chara uheni umo ichi chiliri, ise tikwenera kuti tizomerezge fundo. Icho ndicho Baibolo likusambizga. Mukuwona?

⁶⁷ Sono, ise apa tikuwona pakweru kunozgera kwauzimu, kwa Chiuta kunozgeranga Nyumba Yake yakunthazi na Mkwatibwi Wake wakunthazi, kukwiza pakuwonekera sono.

⁶⁸ Usange mwanarumi watora fumukazi yizaghali, imwe wonani icho mwanarumi wakupenja ku wakunthazi. Usange mwanarumi watora mwanakazi uyo ntha wazamkukhala pa nyumba, imwe wonani icho mwanarumi wakupenja mu wakunthazi. Ndipo ine nyengo yimoza . . .

⁶⁹ Ichi chikuwoneka chakofya. Ine nkhuwona waka kuti ndiyowoye ichi. Ndipo ine—ine, kenekanandi, usange ine nkhuwona kuti ndiyowoye chinthu, ine nkhuwenera kuti ndiyowoye ichi. Ndipo kenekanandi ndi nthowa ya Chiuta.

⁷⁰ Ine—ine kale nkhatemwanga kuyenda na mlimi wa viweto uyo ine nkhwagwiranga nayo ntchito, kukagura ng'ombe. Ndipo ine nkhwawonanga munthu mulara nyengo zose wakalawiskanga nkhanira mu maso gha thokazi pambere iyo wandayambe kupunda mtengo. Ntheura iyo wakaling'anamuranga mutu wake, na kulawiska kunyuma na kunthazi. Ine nkhamurondezga iyo mu kachitiro, nkhamulawiska iyo. Ndipo iyo wakalilawiska ili kulikwezga na kulikhizga, usange ili likawoneka makora, kapangikiro. Ntheura iyo wang'anamuka na kulilawiska ili mu maso, ndipo nyengo zinyake iyo wakapukunyanga mutu wake na kufumayo.

Ine nkhati, "Jeff, ine nkhuwoneka kuti ndikufumbe chinyake iwe."

Iyo wakati, "Rutirira kuyowoya, Bill."

⁷¹ Ndipo ine nkhati, "Ntchifukwa uli iwe nyengo zose ukuyilawiska ng'ombe yira mu maso?" Ine nkhati, "Iyi yikuwoneka makora waka, yiweme—ng'ombe yiweme yakututuwa."

⁷² Wakati, “ine nkhuKhumba kuti ndikuphalire iwe, mnyamata, iwe uli na vinandi vyakuti usambire.” Ndipo ine—ine nkhanpanikizga ichi para iyo wakati wandiphalire ine. Wakati, “ine nkhuPwerera chara umo iyi yiri kupangikira. Iyi panji yingawa ya nkhangono, yakututuwa kufika ku chikandiro. Kweni usange iyi yiri na kalaŵiskiro kakofya kala mu maso ghake, ungayezganga chara kuyigura iyo.”

Nkhati, “Ntchifukwa uli viri ntheura, Jeff?”

⁷³ “Inya,” wakati, “chinthu chakudanga ndi ichi,” wakati, “iyi ntha yizamkukhazikika.” Ndipo iyo wakati, “Chinthu chinyake ndi, iyi ntha yizamkuwa mama ku mwana wake.” Ndipo wakati, “Iwo ŵayiŵika mu chiŵaya sono, chifukwa iyo njakututuwa. Imwe muyimasure iyi, na kalaŵiskiro kakofya kala, iyi yichimbirenge mpaka kukajikoma.”

⁷⁴ Ine nkhati, “Iwe ukumanya, ine nkhasambirapo chinthu chinyake. Ine nkhuomezga icho chiri ntheuraso ku ŵanakazi, nawoso.” Unesko. Unesko.

⁷⁵ Kakofya kala, kalaŵiskiro, kawonekero ka ricketta wasono, ntchiweme ukhale kutali na iyo, mnyamata, vyose ivyo vinthu vya blu pachanya pa maso ghake. Ndipo ine ntha... Ine ningachikhumba chara icho. Ine ntha nkhuwona kuti icho ntchiweme kwa Mukhristu. Ine nkhuPwerera chara umo television na nyuzi vikuti uko nkhutowa. Ichi ndi mawonekero-ghaheni chomene, mawonekero ghakofya agho ine ndiri kuwonapo mu umoyo wane.

⁷⁶ Para ine nkhati ndachiwona icho kakuyamba, kuno pa Clifton’s Cafeteria, mlenji umozu, pa chakurya chamlenji. Ine nkhuwona madona ghanyake gha iwo ghakiza. M’bale Arganbright wakaŵa kuti wafika waka, na ine. Ndipo iyo wakaruta ku vipinda vya pasi. Ndipo ine nkhalawiska, ndipo msungwana yura wakafika. Ine nkhanghanaghana, “Inya, ine—ine—ine nkhumanya chara.” Ine ndiri kuchiwonapo chara ichi nakale. Ichi chikaŵa mtundu unyake. O, ichi chikawoneka ngati kuti iyo wakatupa, imwe mukumanya, kawonekero waka kachilendo ntheura. Ine ntha nkhuYowoya icho kuŵa wakusekeska. Ine—ine nkhuYowoya ichi. Imwe mukumanya, ine ndiri kuviwona vyoni. Ine ndine wamishonare. Ine ndiri kuwona mitundu yose ya ghachilendo, imwe mukumanya, ya umo ghakuchitira matenda. Ndipo ine nkhuYenera kuti ndirute kwa dona muchoko na kumuphalira iyo, “ine—ine—ine ndine mupharazgi. Ine—ine nkhurombera ŵarwari. Kasi—kasi iwe unghakumba kuti ine ndikurombere iwe?” Ndipo ine nkhuŵa nindachiwonepo chinyake ngati icho. Ndipo pamanyuma, apa ŵakwiza ŵawiri panji ŵatatu ŵanyake, ŵakunjira. Ine nkhuŵa ngati nkhuwerera kunyuma ntheura ndipo nkhalindizga.

77 Ndipo M'bale Arganbright wakiza, nthaura ine nkhati, "M'bale Arganbright?" Iyo panji wangaŵa muno. Ine nkhati, "Kasi chasuzga ndi vichi na mwanakazi yura?" Mukuwona?

Ndipo iyo wakati, "Icho, icho ndi kujiphoda."

78 Ine nkhati, "Inya, mwe, mwe!" Mukuwona? Ine nangughanaghana kuti iwo ŵanguyenera kumuŵika iyo mu nyumba ya ŵarwari kumalo kunyake, imwe mukumanya, kukanizga ichi kuti chingafalikira kose ku ŵanakazi ŵanyake.

79 Kweni, imwe mukumanya, imwe mukwenera kunozgekera, kulaŵiska, kuromba, para imwe mukusankha. Pakuti, ise tikuwona, mwa ichi, Mazgu gha phangano. Iyo, mkwatibwi uyo mwanarumi wangamanya kusankha, wazamkuwoneskera nkharo yake. Ichi chikuwoneskera icho chiri mu mwanarumi.

80 Sono, kasi imwe mungalingalira mwanarumi, wakuzuzgika na Mzimu Mutuŵa, watore chinyake ngati icho kuŵa muwoli? [Gulu likuti, "Yayi."—Munozgi.] Ine—ine—ine nth nkhuchiwona ichi, m'bale. Sono, panji ine ndine waka msuski wakale. Kweni, imwe mukumanya, ine—ine nkhopulikiska chara icho, wonani, laŵiskani, pakuti ichi chiwoneskerenge icho chiri mu mwanarumi. Mwanakazi wazamkuwovwira mwanarumi kupanga nyumba yake yakunthazi.

81 Sono, nthaura, para ise tikusinthira kunyuma sono pa kanyengo, ku chigaŵa chauzimu. Ndipo para imwe mukuwona mpingo uwo uli mu charu, ukuchita ngati charu, kulindizganga vya m'charu, kusangananga na vyacharu, kutoranga Maranguro gha Chiuta ngati kuti Iyo nth wakalemba Igho, nthaura imwe—imwe mungamanya kulingalira waka Khristu nth watorenge Mkwatibwi ngati yura. Kasi imwe mungalingalira kutoranga mpingo wasono muhanyauno kuŵa Mkwatibwi? Fumu yane chara. Ine nth...Ine nkhutondeka kuchiwona icho. Yayi. Kumbukirani, sono, mwanarumi na muwoli wake ndi yumoza. Kasi iwe ungajibatika wamwene kwa munthu ngati yura? Usange iwe ungachita, ichi nadi chingamanya kugongoweska chipulikano chane mwa iwe.

82 Ndipo, pamanyuma, kuli uli Chiuta kubatikananga Iyomwene ku chinthu chinyake ngati icho, muzaghali warutaruta wa bungwe? Imwe mukughanaghana kuti Iyo wangachita ichi, "Wakuŵa na kaŵiro kauchiuta kweni ŵakukana nkhangono yake"? Iyo wangachita chara ichi. Mkwatibwi wakwenera kuŵa na nkharo Yake mwa iyo. Wakufikapo, Mpingo waunenesko-wakubabikaso ukwenera kuŵa na—nkharo iyo yikaŵa mwa Khristu, chifukwa mfumu na muwoli ndi yumoza. Ndipo usange Yesu wakachita chekha icho chikamukondwereska Chiuta, wakasungirira Mazgu Ghake ndipo wakawoneskera Mazgu Ghake, Mkwatibwi Wake wakwenera kuzakaŵa wa nkharo ya mtundu weneula. Iyo nth wangaŵa, munthowa yiriyose, kuŵa bungwe.

Chifukwa, pamanyuma, kwali iwe ukukhumba kuti uyowoye mwankhongono uli kuti, “yayi,” iyo wakulamulirika na gulu kumalo kunyake, ilo likumuphalira iyo chakuti wachite na chakuti waleke kuchita, ndipo, nyengo zinandi, mitunda mamiliyoni kutali na Mazgu ghaneneska.

⁸³ Ntchiheni chomene kuti ise tikafumako ku Murongozgi muneneska uyo Chiuta wakatilekera ise kuti warongozge Mpingo. Iyo nthā wakatuma wālaraŵalara ŵa chigaŵa. Iyo nthā wakatuma mabishop, makadinolo, ŵasembe, ŵapapa. Iyo wakatuma Mzimu Mutuŵa ku Mpingo, kuti warongozge Mpingo. “Para Iyo Mzimu Mutuŵa wafika, Iyo wazamkumurongozgerani imwe mu Unesco wose, kuvumbura vinthu ivi kwa imwe, ivyo Ine ndamuphalirani imwe, kupereka ivi ku chikumbusko chinu, ndipo wazamkumurongorani imwe vinthu ivyo vitizenge.” Mzimu Mutuŵa ukaŵa wakuti uchite icho. Sono, mpingo wasono ukutinkha Icho. Iwo ŵakuchitemwa čara Ichi, ntheura kasi iyo wangaŵa uli Mkwatibwi wa Khristu? Ŵanthu ŵanyengo yasono ŵakusankha bungwe lasono. Icho ichi chikuchita, ichi chikuwoneskera waka kapulikiskiro kawo kaujira ka Mazgu.

⁸⁴ Ine nthā nkhung’anamura kuzomerezga ichi kuti chinjire mwakukwanira mpaka imwe muchiwone ichi.

⁸⁵ Ine ndiri kukwatiska nthengwa zinandi, kweni ichi nyengo zose chikundikumbuska ine za Khristu na Mkwatibwi Wake. Umoza wa maukwati uwo ine nkhapanga kuno, nyengo yinyake kale, ichi—ichi chikaŵa chinthu chapachanya chomene mu umoyo wane. Ndi virimika vinandi vyapitapo, apo ine nkhaŵa waka mupharazgi mwanichi.

⁸⁶ M’bale wane wakagwiranga ntchito pa—PWA. Ine nkhumanya chara kwali munyake wakukumbukira icho, kufika sono, panji chara, munyake mulara ngati ine. Ndipo yira yikaŵa a—ntchito iyo boma likaŵa nayo. Ndipo m’bale wane wakagwira ntchito, pafupifupi mitunda sate. Iwo ŵakajimanga nyanja zinyake, ntchito ya kupwererera.

⁸⁷ Ndipo kukaŵa mnyamata wakagwiranga ntchito kumtunda kula, na iyo, kufuma ku Indianapolis, pafupifupi, o, pafupifupi mitunda handiredi kujumpha Jeffersonville uko ine—ine nkhuKhala, panji nkhuKhalanga. Ndipo kula kukaŵa a... Iyo wakayowoya kwa m’bale wane, zuŵa limoza, iyo wakati, “Doc,” iyo wakati, “ine—ine nkhuKhumba... Ine nditorenge, usange ine nkhaŵenge waka na ndalama zakukwanira kulipira mupharazgi.” Iyo wakati, “ine—ine ndiri na ndalama zakukwanira kutorera layisensi yane, kweni,” wakati, “ine ndirije ndalama zakukwanira kuti ndilipire mupharazgi.”

⁸⁸ Doc wakati, “Inya, m’bale wane ndi mupharazgi, ndipo—ndipo iyo—iyo panji wangamukwatiskani imwe.” Iyo wakati, “Iyo nthā wakulipiriska ŵanthu pa vinthu ngati ivyo.”

Iyo wakati, “Kasi iwe ungamupempha iyo kuti wandikwatiske ine?”

⁸⁹ Inya, usiku ula m’bale wane wakandifumba ine. Ine nkhati, “Usange iyo wandatorepo nakale, panji yumoza wa iwo, ndipo iwo w’ali. . . chirichose chiri makora.”

Iyo wakati, “Inya, ipo, ine ndimufumbenge iyo.”

Ndipo ine nkhati, “Usange ichi chiriko, kamuphalire iyo, wafike.”

⁹⁰ Ntheura, para Chisulo chikati chafika ndipo mnyamata wakiza. Ichi chikaŵa chinthu chikuru kwa ine, kuti nyengo zose nkughanaghana pa ichi. Ine mbwenu. . . Kumuhanya kwavura, ndipo galimoto yakale ya Chevrolet, na magesi ghakunthazi ghapangika na mulu wa mawaya, iyo yikafika, kunthazi kuwara. Kanyengo kachoko waka para ine nkhaŵa kuti ndataya muwoli wane, ndipo ine nkaphikanga, vipinda viwiri vichokovichoko. Ndipo—ndipo Doc wakaŵa kumtunda kula na ine, kulindiriranga iwo.

⁹¹ Ndipo—ndipo mnyamata wakafuma mu galimoto, ndipo nadi iyo nthā wakawoneka ngati mwenenthengwa, kwa ine, panji wakamanya kuwoneka kwa waliyose, ine nkhusachizga. Inya. Ine nkhatondeka. . . kugura skapato yakuwoneka makora, pa mtengo wa dola na hafu. Ndipo iyo wakavwara, yakukhwepa. Ndipo buluku lake likaŵa lakukhwepa chomene. Ndipo iyo wakavwara limoza la majaketi ghasono agha ghakhomi. Ine nthā nkhusachizga w’anyake ŵa imwe ŵalara w’angamanya kukumbukira. Likawoneka ngati likanjira mu machini ghakuchapira kwambura kusukuruzga, ndipo likachita misiliri, kukwinyana ngati *ichi*, ndipo kona likarazgira muchanya.

⁹² Ndipo a—dona muchoko wakafumira ku chigaŵa chinyake, na lichoko, o, diresi linyake lichoko lira la mawonekero gha maphatamaphata.

⁹³ Ine nkhumanya chara. Ine nkhanangiska pa kazunuriro kamtundu ula wa malaya, nyengo yimoza. Gingham, ine nkbugomezga likuchemeka ntheura. Ndipo ntheura ili likaŵa a. . . [Gulu likuseka—Munozgi.] Ine nkayowoya ichi mwakunangiska kamozaso. Ine—ine nyengo zose nkchuchita ichi. Ndipo ine nkhati. . .

⁹⁴ Msungwana wakafuma mu galimoto, ndipo iwo w’akawera masitepu. Ndipo—ndipo para iwo w’akati w’anjira, kanthu kachoko kachitima, msungwana. . . Ine nkhusachizga, iyo, pafupifupi waka chose icho iyo wakavwara yikaŵa sketi. Ndipo iyo wakaŵavye skapato, napachoko, nthā wakavwara. Iyo wakawera matola kufuma ku Indianapolis, pakwiza. Wakaŵa na sisi lichoko kukhirira musi, kunyuma, litali, lakuŵa ngati wakalirikira kunyuma kwake. Wakawoneka mwanichi chomene.

Ndipo ine nkhati kwa iyo, “Kasi iwe ndiwe mulara mwakukwanira kuti ungatengwa?”

⁹⁵ Iyo wakati, “Inya, bwana.” Ndipo iyo wakati, “ine ndiri na chilorezo chakulembeka kufuma kwa adada wane na amama.” Iyo wakati, “ine nkhaiyenera kuti ndirongore ichi ku—ku khothi kuno, kuti nditore layisensi yane.”

⁹⁶ Ine nkhati, “Viri makora.” Ine nkhati, “ine nikhumbenge kuti ndimuyowoyeskeni imwe pachoko pambere ise tindachite ukwati uwu.” Iwo wakakhala pasi. Mnyamata wakarutirira kulaŵiskanga mu chipinda; iyo wakakhumbikwanga chomene kuti wamete sisi. Ndipo iyo wakarutirira kulaŵiskanga mu chipinda. Iyo ntha wakategherezanga kwa ine. Ine nkhati, “Mnyamata, ine nkhuumba kuti iwe uteghereze ku icho ine nkhuwoya.”

Wakati, “Inya, bwana.”

Ndipo ine nkhati, “Iwe ukumutemwa msungwana uyu?”

Iyo wakati, “Inya, bwana. Ine nkhumutemwa.”

Ine nkhati, “Iwe ukumutemwa iyo?”

“Inya, bwana. Ine nkhumutemwa.”

⁹⁷ Ine nkhati, “Sono, kasi iwe uli nagho malo uko iwe umutorenge iyo para iwe wamutora?”

Wakati, “Inya, bwana.”

⁹⁸ Ine nkhati, “Viri makora. Sono,” Ine nkhati, “ine nkhuumba kuti ndikufumbe chinyake iwe. Ine ndaphalirika, iwe ukugwira ntchito kuno pa PWA.”

Ndipo iyo wakati, “Inya, bwana.” Icho ndi pafupifupi thweluvu dolazi pa sabata.

Ine nkhati, “Iwe ukughanaghana kuti iwe ungamusunga iyo na izo?”

Iyo wakati, “ine ndizamkuchita chose ine ningamanya kuchita.”

⁹⁹ Ndipo ine nkhati, “Inya, icho chiri makora.” Ndipo ine nkhati, “Sono, uli usange mnyamata yamara a... Uli usange mnyamata ntchito yamara, mlongosi? Kasi iwe uzamkuchita vichi, uzamkuchimbira kuwerera ku nyumba, kwa mama, dada?”

Msungwana wakati, “Chara, bwana. Ine ndizamkukhala na iyo.”

¹⁰⁰ Ndipo ine nkhati, “Vichi, bwana, usange iwe uli na wana watatu panji wanayi, ulije chakuwaryeska iwo, ndipo iwe ulije ntchito yiriyose. Kasi iwe wamkuchita vichi, uzamkumuchimbizga mwanakazi?”

¹⁰¹ Wakati, “Chara, bwana. Ine ndazamkurutirira kutokatoka. Ise tizamkuchita ichi, munthowa yinyake.”

102 Ine nkhapulika kuchepeskeka. Ndipo ine nkhawona kuti mnyamata wakamutemwa chomene msungwana, ndipo iwo wakatemwana yumoza na munyake. Ine nkha wakwatiska iwo.

103 Pamanyuma ine nkhamanya chara uko mnyamata wakaruta na msungwana. Mazuwa ghachoko, ine nkhamufumba m'bale wane, Doc, uko ili liri. Iyo wakati, "Wali kuruta kusika ku New Albany," msumba uchoko kusika kwithu.

104 Ndipo kusika pa mronga, uko ine nkha wa na dongo linyake la siliva, uko ine nkharutanga zuwa lirilose para ine—ine nkha wakunozga mawaya ghamagesi. Ntheura para wanthu wanyake wose, iwo wose wakhalala mwakuzungulira, wakayowoya nthabwara na vinthu, ine mbwenu nkhanjiranga mu galimoto na kukhirira ku mronga na kukaromba mu nyengo yira . . . ? . . . Na kuwazga Baibolo lane, kusi kwa bumira likuru la siliva uko kale kuka wa kwakupangira vithini. Kuli mabokosi ghanandi ghakunyamulira katundu pa galimoto ghali ngundangunda kula.

105 Ndipo munthu uyu wakaruta kusika kula ndipo wakatorako limoza la mabokosi ghara ndipo wakamuchekera iyo muryango mu ichi. Ndipo wakatora nyuzi na mabatani ghakukhozgera.

106 Kasi mbalinga wakumanya icho mabatani ghakukhozgera ghali? Mulije muno wa ku Kentucky, ntheura. Ichi ndi, kutora chiduswa cha katoni, kujonkhamo chakukhozgera mu ichi, kakhuni kachoko. Ndipo pamanyuma kukatutuzgira mkati mu . . . Ilo ndi batani lakukhozgera.

107 Ntheura, iwo wakawika ichi palipose zingirizge. Ndipo iyo wakaruta kumtunda kula kwakupangira vithini ndipo wakatorako vinthu vinyake, ndipo wakapanga stepu, kukwerera pachanya. Ndipo wakatora mabokosi ghanyake ghakale, ndipo wakajipangira thebulo. Ndipo ine nkhanghanaghana, zuwa limoza, "Ine ndizamkurutako nyengo yinyake kuti nkhawone umo iwo wakukhalira."

108 Pafupifupi myezi sikisi chindachitike icho, ine nkhwatiska mwana mwanakazi wa E. V. Knight kwa mwana mwanarumi wa E. T. Slider. E. V. Knight, yumoza wa wanthu wasambazi chomene awo waliko pa Mronga Ohio, ndipo, o, wali na mafakitare ghakurughakuru kose kula, wakupanga nyumba izi zakuchita kubatika, na vinyake ntheura. Ndipo—ndipo Slider, E. T. Slider, ndi kampane ya mchenga na girevulu, wana wa vikhwaya. Ndipo ine nkha wakwatiska iwo.

109 Ndipo ine nkharuta kuwerera ku malo, nkachita ichi kwa pafupifupi masabata gawiri, na kuwereranga mu hema na kugwadanga pa pilo. Ndipo kujitukumura kose na chirichose ine nkhwamana navyo, pafupifupi, nkayenera kukumana navyo, kuti ndikwatische banja lira! Ndipo para iwo wakati wamanyikwa, chifukwa, iwo wakawa . . . Banja linyake lichoko ili likayimirira apo mu chipinda chichoko chakale uko ise tika wa

na mpando uchoko na bedi lakuchita kupeteka, kweni iwo wose wawiri wakakwatiskika na mwambo wakuyana.

¹¹⁰ Ndipo ntheura, zuwa limoza, ine nkhanghanaghana kuti ine ndirute ndipo nkhaliyendere banja lisambazi ili. Iwo ntha wakayenera kugwira ntchito, wadada wawo wakawa vikhwaya, wakawazengera iwo nyumba yiweme. Mu unenesko, uyu E. V. Knight, kumtunda, kuno pa phiri, vikolerero vyake vya chijaro ndi vya golide fotini pa nyumba yake yikuru yaufumu, ntheura imwe mungamanya kulingalira kasi ndi mtundu uli wa nyumba iwo wakukhalamo. Iwo ntha wakayenera kugwira ntchito. Iwo wawa na Cadillac yiweme kuperekeka kwa iwo chirimika chirichose. Ndipo mbwenu, wana waka, ndipo iwo wakawa waka na chirichose iwo wakakhumbanga. Para ine nkhati ndarutako zuwa limoza . . .

¹¹¹ Sono, umo ine nkhamanyirana na iwo, yumoza wa wabwezi wawo wakawa mubwezi muweme wa ine. Ise tikayendanga pamoza. Ndipo umo ndimo ine nkhamanyira, para iwo wakakhumbanga kuti ine ndi wakwatiske iwo.

¹¹² Ntheura ine nkharuta kumtunda kuti nkhawayendere iwo. Ine nkhafika kuwaro mu Ford yane yakale, kuwaro, ndipo nkhayenda kukwera masitepu. Ndipo—ndipo ine nkhafika pachanya, kufupi chomene pachoko, ndipo ine nkhawapulika iwo. Ndipo iwo wakakangana chomene. Iwo wakachitirananga sanje yumoza na munyake. Iwo wakaruta ku dansi. Mwanakazi wakawa msungwana wakuwoneka makora chomene. Ndipo iyo wakawa ngati yumoza uyu wa mitundu ya mafumukazi ghakutowa agha. Iyo wakapokera mphoto zinandi chomene kudera kula, ndipo wakawina galimoto zinyake na vinthu, chifukwa chakuwa fumukazi yakutowa. Ndipo ine nkhalawiska iwo, ndipo yumoza wakakhala kona yimoza ndipo yumoza mu yinyake, kukangananga za mnyamata munyake uyo msungwana wakavinapo nayo, panji msungwana munyake, chinthu chinyake.

¹¹³ Para ine nkhati ndafika, iwo wakadukira muchanya mwaluwiro chomene ndipo wakakorana yumoza na munyake pa baraza, ndipo ghawo—mawoko ghawo, wakorowekana pabaraza, wakwiza wakwenda kurazga ku muryango. Wakati, “Chifukwa, monire uko, M’bale Branham! Kasi imwe muli uli?”

Nkhati, “Viri makora. Kasi mose imwe muli uli?”

¹¹⁴ Ndipo, “O,” iyo wakati, “ine—ine . . . Ise ndise wakukondwa chomene. Tiri ntheura chara ise, wakutemweka?”

Ndipo msungwana wakati, “Inya, wakutemweka.” Mukuwona?

¹¹⁵ Sono, imwe wonani, imwe mukujiphimba na chinyake icho ntcheneko chara. Sono, imwe mungafunda chara na moto wakuchita kujambura, ngati mipingo yinyake iyi yikuyezga kukopera pentekoste, za chinyake icho chikachitika virimika

masauzandi kunyuma panji virimika thu sauzandi kunyuma. Imwe mungafunda chara na moto wakuchita kujambura. Pentekoste ndi wanadinadi muhanyauno ngati ndiumo wakawira kale. Mukuwona? Inya. Moto uchali kuwa. Ntha ndi moto wakuchita kujambura. Ndi Moto weneko.

116 Ntheura, iwo, wakawira waka apo. Mukuwona? Ine—ine ningakhumba chara kukhala umoyo ngati uwo.

117 “O,” ine nkhanghanaghana, “imwe mukumanya, mbwenu kusendemukira waka ku chigidibu kula ndipo wakuwira mu mronga, kula ndiko banja linyake ili likamalira.” Ine nkhanghanaghana, “Chisulo chimoza kumuhanya ine nkhamanyanga kukhirira kula na kuwona umo iwo wakakhaliranga.”

118 Ntheura ine, wakubinkha pa chisko, ndipo navwara maovololo ghakubinkha, ndanyamura vyakugwirira ntchito vyane. Ine nkhanghanaghana, “ine nkakhwaŵira kumtunda kwa iwo.” Ine nkakhwaŵira ngati kuti ine nkhapenjanga uko vyakumatira vikaparuka na leza panji chinyake, ndipo apo ine nkhayenda munthowa ya waya wa telefoni, mawaya gha magesi mumphepete mwa mronga. Ndipo apo pali Chevrolet yakale, yikaŵa kuwaro kunthazi. Pakati pajumpha chirimika, pamanyuma pakuti ine nkhati ndawakatiska iwo. Ndipo kula kukaŵa a—a...Chijaro chikaŵa chakujura, ndipo ine nkhamanyanga kuŵapulika iwo wakayowoya. Ntheura ichi chikupulikikwa ngati mupusikizgi, kweni ine nkhayenda kusenderera kufupi chomene mpaka ine nkhamanyanga kutegherzga, kuwona ivyo iwo wakayowoyanga. Nkhayimirira apo. Ndipo ine nkikhumba waka kuti ndimanye, kwa ndamwene.

119 Ine nkhutemwa kufufuza na kusimikizga kuti ine nkhumanya icho ine nkhuoyoya. Umo ndimo ine nkchitira za Mazgu gha Chiuta. Kasi Ichi ndi Unenesko, panji Ichi ndi Unenesko chara? Kasi Iyo wasungirirenge Mazgu Ghake, panji Iyo wokusungirira chara Mazgu Ghake? Iyo ntha wokusungirira Mazgu Ghake, ntheura Iyo ndi Chiuta chara. Mukuwona? Iyo wokusungirira Mazgu Ghake, Iyo ndi Chiuta. Mukuwona?

120 Ndipo ntheura ine nkikhumba kuti ndiwone umo iwo wakakhaliranga. Ndipo ine nkakhwaŵira kumphepete, mwakuphweka chomene. Ine nkhamapulika mwanarumi wakuti, “O, wakutemweka, ine nkakhumbanga kuti ndikugulire iwe lira, chomene nadi.”

121 Mwanakazi wakati, “Sono, wona, wapamtima.” Mwanakazi wakati, “Diresi ili liri makora.” Mwanakazi wakati, “Chifukwa, ili liri makora waka.” Wakati, “ine nkhuwonga icho. Kweni iwe wona...”

122 Ine nkhasenderera kufupi, ntheura ine nkhamanya kulaŵiskira mu chidangazi, uko khomo likapangika mu

bokosi lakunyamulira katundu. Ndipo mwanarumi wakaŵa apo, wakakhala mwenemula, ndipo mwanakazi pa chipakato cha mwanarumi; ndipo woko la mwanarumi kukumbatira mwanakazi, ndipo woko la mwanakazi kukumbatira mwanarumi. Ndipo mwanarumi wakaŵa na mtundu uwu wa vipewa vyakale vyakupitwika, ndipo wakadoloramo kachibowo kachoko, wakachiphafya ichi, pachanya, ndipo wakasolora cheki chake cha malipiro, mu icho. Iyo—iyo wakachiŵika ichi pa thebulo. Wakati, “*Zakuti* za vyapakhomo. *Zakuti* za inshuransi. Ndipo *zakuti* pa galimoto.” Ndipo iwo ŵakatondeka kukwaniriska vyakukhumba vyawo. Pakufufuza, mwanarumi wakawona diresi lichoko kumtunda kula mu windo, wakhala wakuliwona ili pa masabata ghangapo, ilo likaŵa pa mtengo wa dola na zinyake. Mwanarumi wakakhumbanga kuti wakagure ili. Wakati, “Inya, wakutemweka, iwe ungamanya kuwoneka makora chomene mu ili.” Ndipo mwanarumi wakayowoya . . .

¹²³ Mwanakazi wakati, “Kweni, wakutemweka, ine—ine ndiri nalo diresi. Ine—ine ntha nkhalisoŵa chomene ili.” Mukuwona? Ndipo fumukazi yichoko yira . . .

¹²⁴ Ine nkhatutira muchanya, ndipo nkhalawiska kuchanya. Ine nkhamanyanga kuwona—kachigongwe pachanya pa nyumba yinyake. Ine nkhayimirira apo ndipo nkhalawiska, maminiti ghachoko. Ine nkhanghanaghana, “Kasi munthu musambazi ndinjani?” Ine nkhanghanaghana, “Usange, Bill Branham, usange iwe ukukhumba kuti usankhe malo, kasi iwe ungaruta nkhu?” Kwa ine, ine ntha ningasankha chinthu chakuwoneka makora chira pachanya pa phiri. Ine mbwenu nditorenge nkharo iyi pasi apa, ngati wakupanga nyumba mweneke, munyake uyo wakanditemwa ine ndipo wakakhala na ine, munyake wakayezga kupanga nyumba; ndipo ntha kukukavuskanga iwe pa chirichose, kupenja vyakunyezimira; ndipo munyake uyo wakaŵa na iwe, gawo la iwe.

¹²⁵ Icho nyengo zose chiri kundikakamira ine, za umo chira chikaŵira. Yumoza wakasankha msungwana wakutowa, yumoza munyake wakasankha nkharo. Sono, ndiyo nthowa yekha pera imwe mungasankhira. Chakudanga, penjani nkharo ndipo, pamanyuma, usange iwe ukumutemwa msungwana. Yewo.

¹²⁶ Wonani, Adam wakudanga wa Chiuta ntha wakaŵa na chisankho chirichose, cha muwoli wake. Iyo ntha wakaŵa na chisankho. Chiuta wakamupangira waka yumoza iyo, ndipo iyo ntha wakachita kumusankha iyo. Ntheura ise tikusanga kuti mwanakazi wakamurongozgera mwanarumi kutali na Mazgu gha Chiuta. Mwanarumi ntha wakachita kurombera chinthu ichi. Iyo—iyo—iyo ntha wali ngati imwe na ine. Iyo ntha wakapanga chisankho. Ndipo kweniso, pa kuchita icho, mwanakazi wakamurongozgera mwanarumi kutali na malo

ghake ghakwenerera ngati kuŵa mwana wa Chiuta. Ndipo mwanakazi wakachita ichi pa kuchita kumurongora iyo nthowa yasono ya kukhala umoyo, chinyake icho iwo ntha ŵakayenera kuchita. Kweni nkharo ya mwanakazi yikarongora kuti iyo wakaŵa wakwananga. Vyakukhumba vyake na vyakulinga vikaŵa vyakwanangika. Ndipo wakamukoserezga mwanarumi, na kughanaghanira kwake, kuti kuŵara kuphya kwasono uko iyo wakasanga, icho chikaŵa chakususkana na Mazgu gha Chiuta, yikaŵa nthowa yiweme yakukhala umoyo.

¹²⁷ Ndipo kasi ndi ŵanakazi ŵalinga muhanyauno, ndipo nthowa yinyake, ŵanarumi, awo ŵangamanya kuguzira mwanakazi muweme kutali na Chiuta, panji kuguzira mwanarumi muweme kutali na Chiuta, pakuchita kuyezga kumuphalira iyo, “Chisopo ichi, imwe ŵanyamata ŵa Pentekoste! Chisopo chira,” iwo ŵakuti, “o, Icho ntcha mtundu wakale. Ndi munthu wachikale. Imwe kugomezga chara Icho.” Ntchiweme iwe urombe mwankhongono pambere iwe undamutore msungwana yura. Ine nkhopwerera chara umo iyo waliri wakuwonekera makora. Chinthu chantheuraso kwa mwanarumi.

¹²⁸ Mwanakazi wakamukakamizga mwanarumi kufumapo pa khumbo la Chiuta ndipo wakamupangiska iyo kuchita chinthu icho iyo ntha wakayenera kuchita, ndipo, na ichi, chikapangiska nyifwa ku mtundu wose wa ŵanthu. Ndicho chifukwa Baibolo likumukanizga iyo kusambizga, panji kupharazga, panji kukora Mazgu gha Chiuta, mu kachitiro kalikose.

¹²⁹ Ine nkhumanya, mlongosi, ŵanandi ŵa imwe mukuti, “Fumu yikandichemera ku kupharazga.”

¹³⁰ Ine ntha ndisukanenge namwe imwe. Kweni ine ndimuphalireninge imwe, Mazgu ghakuti imwe kuchita chara ichi. “Mwanakazi ntha wangasambizganga, panji kuphangira mazaza ghalighose, kweni kuŵa mu kachetechete.”

“Inya,” imwe mukuti, “Fumu yikandiphalira ine kuti ndichite ichi.”

¹³¹ Ine nkukayika chara icho napachoko pose. Kasi imwe mukawupulika Uthenga wane usiku unyake za Balaam? Balaam wakapokera chakudanga, chigamuro-chakunyoroka kufuma kwa Chiuta, “Kuchita chara ichi.” Kweni iyo wakarutirira kutaya nyengo mpaka paumaliro Chiuta wakamuphalira iyo kuti warute wakachite ichi.

¹³² Chiuta panji wangumuzomerezgani imwe kupharazga. Ine ntha nkhuwoyoya kuti Iyo ntha wakachita. Kweni ichi ntha ndi chakulingana na Mazgu Ghake ghapakudanga na ndondomeko. “Pakuti iyo wakwenera kuŵa pasi pa kupulikira, umo dango nalo likuyowoyera.” Ndi unenesko. Ipo, iyo ntha wakwenera kuchita ichi.

133 Sono, wonani kamozaso umo mkwatibwi wa kuthupi wakulinganizgikira ku wauzimu. Mazgu ghakuyowoya, kuti, “Mwanakazi wakapangikira mwanarumi, ndipo ntha mwanarumi kupangikira mwanakazi.”

134 Sono ine ndiyowoyenge, ndipo chifukwa, mu maminiti ghachoko, pa Mkwatibwi wa Khristu, kweni ine nkhuvezga kumuwoneskani imwe lufura lwa ichi.

135 “Mwanakazi wakapangikira mwanarumi, ndipo ntha mwanarumi kupangikira mwanakazi.” Ndicho chifukwa, pasi pa marango ghakale, kuti mitala yikaŵa yakuzomerezgeka. Muwonani David wakhala pasi uko na ŵawoli fayivi handiredi, ndipo Baibolo likati, “Iyo wakaŵa mwanarumi wa pa mtima wa Chiuta.” Na ŵawoli fayivi handiredi, ndipo Solomon na sauzandi, kweni ntha yumoza wa ŵanakazi ŵara wakamanya kuŵa na mwanarumi munyake.

136 Imwe mutore tepi yane pa *Nthengwa Na Kupatana*. Kutu, pachanya pa phiri ku Tucson, kuno kale chomene chara, ine nkhaŵa kumtunda kula kurombanga za ichi. Iwo ŵakafumiska ŵana ŵasukulu, kuti ŵawone Laŵi lira la Moto likuzungulira phiri ndipo likuruta kupanga fanelu, kunyuma na kunthazi, kukwera na kukhira. Ŵanthu ŵakudera kuno ŵakumanya ichi, kula, ndipo ŵakaliwona Ili; ndipo Ili . . . para Iyo wakati wandiphallira ine Unenesko wa mafumbo agha pa nthengwa na kupatana. Usange kuli chigaŵa chimoza chikuruta nthowa *iyi*, ndipo chimoza nthowa *iyo*, pakwenera kuŵa Unenesko pamalo ghanyake. Pamanyuma pa Vididimizgo Seveni vira, Iyo wakawoneska icho ukaŵa Unenesko za ichi.

137 Wonani, sono, mwanakazi ntha wakayenera kweni kuŵa na mwanarumi yumoza, chifukwa, “Mwanakazi wakapangikira mwanarumi, ndipo ntha mwanarumi kupangikira mwanakazi.” Ŵanakazi wose ŵara fayivi handiredi ŵakaŵa muwoli wa David, ndipo ichi chikaŵa chithuzithuzi. Para Khristu wakhala pa Chizumbe mu Mileniyamu, Mkwatibwi Wake ntha wazamkuŵa munthu yumoza, kweni ŵazamkuŵa makhumi gha masauzandi, Mkwatibwi, wose mu Yumoza. Ndipo David wakaŵa na ŵawoli ŵanandi, ngati payekhapayekha, kweni iwo wose pamoza ŵakaŵa muwoli wake. Ngati Thupi lose la ŵakugomezga ndi Mkwatibwi wa Khristu, chifukwa Ichi ndi Iyo, mwanakazi. Iyo wakaŵa Mwanarumi. Sono, ise tikapangikira Khristu. Khristu ntha wakapangikira ise.

138 Icho ndicho ise tikuyezga kuchita muhanyauno mu mabuku ghithu, ndi kuyezga kupanga Mazgu (cheneicho ndi Khristu) ghatikwane ise, m'malo mwa ise kuyezganga kujipanga taŵene kukwanira mu Mazgu. Ndicho ndi mphambano.

139 Para mwanarumi wasankha msungwana munyake kufuma mu banja, iyo ntha wakwenera kuyegamira pa kutowa, pakuti

kutowa kukunyenga. Ndipo kutowa, kutowa kwasono kwacharu, ndi kwa devulu.

“O,” ine nkhopulika munyake wakuyowoya mwakukwezga kuwaro uko, “chenjera apa, mupharazgi!”

¹⁴⁰ Ine nkhuwowa kuti vintu ivi pa charu chapasi ichi, ivyo vikuchemeka vyakutowa, nadi ndi vya devulu. Ine ndisimikizgirenge ichi kwa imwe. Ntheura, mu kuwara kwa ndemanga iyi, tiyeni tipenje Mazgu ghatuwa gha Chiuta, kuti tiwone usange ndi unenesko panji chara. Ndipo mwaŵanakazi wanyake imwe mukukhumba kuwa wakuwoneka makora chomene! Wonani uko ichi chikufumira. Mu chiyambi, ise tikusanga kuti Satana wakaŵa wakutowa chomene mpaka iyo wakanyenga Wangelo. Ndipo iyo wakaŵa Mungelo wakutowa chomene pa iwo wose. Chikawoneska, ichi chiri mwa devulu. Zintharika wakayowoya, Solomon wakati, “Kutowa nkhwawaka.” Uwo mbunenesko. Kwananga nkhwakutowa. Nadi, nkhwakutowa. Uku kukukopa.

¹⁴¹ Ine nkhuwowa kuti ndimufumbeni imwe, ndipo ndiyowoye chinyake apa kwa imwe. Ine nkhuwowa kuti imwe muwone, maminiti ghachoko. Pa mitundu yose mu charu, viyuni, vinyama, ise tikusanga kuti ku umoyo wa vinyama, vyose kupaturako munthu, ndi chanarumi icho chikuwoneka makora, ndipo chanakazi chara. Ntchifukwa uli icho? Laŵiskani pa... Laŵiskani pa nyiska, a—nyiska yikuru yakutowa yanarumi na mphondo zake, na nyiska yichoko yanakazi. Laŵiskani pa a—nkhuwowa yanakazi, yichoko, nkhuwowa yanakazi yamaŵangamaŵanga, na tambala wamahungwa mukuru wakutowa. Laŵiskani pa kayuni kanarumi na kayuni kanakazi. Laŵiskani pa baka mwanarumi na mwanakazi. Mukuwona? Ndipo ntha uliko mtundu umoza mu charu, uwo uli kupangika, uwo ungamanya kunyenga na kuwa muzereza chomene ngati mwanakazi.

¹⁴² Sono, mlongosi, kunyamuka chara na kuruta kuwaro. Lindizga mpaka ise tipulike umaliro wa Ichi. Mukuwona? Mukuwona?

¹⁴³ Kulije chinyake, kulije chanakazi padera pa mwanakazi, chingamaya kuwa chizaghali. Imwe mukuchema galu yanakazi “chizereza,” imwe mukuchema nkhuwowa yanakazi “a—chinkhumba chanakazi,” kweni, ku nkharo, ivi viri na ukhaliro uweme kuruska wanandi wa pa sinema awo wali kuwaro uku. Izi zingaŵa chinyake chara kweni zaukhaliro uweme.

¹⁴⁴ Ndipo mwanakazi ndiyo wakasinthaniskika, kuwa mutimbanizgi. Uwo mbunenesko. Mukuwona uko kutowa kukumutorera iyo? Sono, ndicho chifukwa kuti, muhanyauno, ise tikusanga kuti wanakazi wali panthazi mu kutowa. Imwe mutore Pearl Bryan, imwe muli kuchiwonapo chithuzithuzi chake? Wakwenera kuwa wakutowa chomene mu America.

Kulije mwana wa sukulu kufuma ku sukulu yiriyose kweni uyo wali nayo iyo mu a—mzere wakunyuma. Kasi imwe mukamanyanga ichi chikwenera kuwa munthowa iyo? Kasi imwe mukamanyanga Baibolo likuyowoya kuti umo ndimo ichi chikwenera kuwira?

¹⁴⁵ Kasi imwe mukumanya kuwa kukiza na wanakazi pa chiyambi? Ndipo kuwa... Umaliro uzamkuwa munthowa yeneiyo, wanakazi kuwanga na mazaza na kulamuliranga wanarumi, na vinyake ntheura. Imwe mukumanya Lemba likuyowoya icho? [Gulu likuti, "Amen."—Munozgi.] Imwe mukumanya, zuwa apo mwanakazi wazamkuvwara malaya gha chanarumi, na kudumura sisi lake, vinthu vyose ivyo ndi vyakususkana na Mazgu gha Chiuta. Ndipo imwe mukumanya mwanakazi wakuyimira mpingo? ["Inya."] Para imwe mukuwona ivyo wanakazi wakuchita, imwe muwonenge icho mpingo ukuchita. Uwo ndi unenesko nadi. Sono, sono, icho ndi unenesko waka ngati ndiumo Mazgu gha Chiuta ghaliri ghaneneska.

¹⁴⁶ Kulije chanakazi chinyake chiri kupangika icho chingamanya kuwa chizaghali ngati ndiumo mwanakazi wangaŵira. Ndipo kweni, kwizira mu icho, kuwa wakupangika kufuma- . . .

¹⁴⁷ Mwanakazi wakaŵamo chara mu kulengeka kwapakudanga. Vyanakazi vinyake vyose virimo mu kulengeka kwapakudanga: viyuni, chanarumi na chanakazi; vinyama, chanarumi na chanakazi. Kweni, mu umoyo wa wanthu, Chiuta wakapanga mwanarumi pera, ndipo Iyo wakamutora kufuma ku mwanarumi. Ndipo mwanakazi ndi wakupangika kufuma ku mwanarumi, chifukwa Chiuta ntha wakakhazikiska chinthu chantheura. Sandani Malemba. Unenesko ndendende. Chiuta, chara, bwana, mu kulenga Kwake kwapakudanga. Mwanakazi wakachita kupangika kula.

¹⁴⁸ Kweni usange iyo wangajisunga iyomwene mwakwenerera, ndi njombe yikuru uli iyo wali nayo kuruska mwanarumi. Iyo wakaŵikika pa malo ghakupimirapo. Kwizira mwa iyo nyifwa yiri kwiza. Iyo ndi wakususkika pa kufwa kose. Kweni pamanyuma Chiuta wakang'anamuka ndipo wakagwiriska ntchito yumoza kuti wawezgereske Umoyo kamozaso; wakababa Mwana Wake kwizira mu mwanakazi, yumoza wakupulikira. Kweni yumoza muheni ndi a—muheni chomene uyo waliko; kulije chirichose chingamanya kuwa chizaghali chakumalirathu.

¹⁴⁹ Kayini, mwana wa Satana, wakaghanaghana kuti Chiuta wakazomera kutowa. Iyo wakuchita muhanyauno. Kayini wakaŵa mwana wa Satana. "O, sono!" imwe mukuyowoya. Ise ntha tirute mu kurongosora pa icho, kweni ndizomerezgeni waka ine ndimukhazikiskireni waka ichi. Baibolo likayowoya

kuti iyo “wakaŵa wa yumoza muheni yura.” Ntheura, icho chikukhazikiska ichi. Viri makora. Sono, iyo wakaŵa mwana wa Satana. Ndipo iyo wakaghanaghana kuti, kuzenga jotchero na kulipanga ili lakuwoneka makora chomene kuŵa lakusoperapo, icho ndicho Chiuta wachindikenge.

¹⁵⁰ Iwo ŵakughanaghana, ŵakughanaghana chinthu chenechira muhanyauno. Nadi. Ichi, “Ise tikuzenga nyumba yikuru. Ise tiŵenge na mabungwe ghakurughakuru. Ise tipangenge nyumba yikuru chomene na ŵanthu ŵakuvwara makora chomene, ŵaliska ŵakusambira chomene.” Nyengo zinyake Chiuta wali mitunda teni miliyoni kutali na ichi. Uwo mbunenesko. Kweni, ndi mpingo.

¹⁵¹ Ntheura, usange Chiuta wakuchindika waka chisopo, kugomezgeka, sembe, Kayini wakaŵa waka ngati ndiumo Abel wakaŵira. Kweni ichi chikaŵa mwa uvumbuzi, kuti iyo wakupulikiska kuti nthā ghakaŵa maapulo agho ŵapapi ŵake ŵakarya.

¹⁵² Ine ndiyowoyenge chinyake apa icho nthā chikuwoneka chiweme kwa mupharazgi, kweni ine ndiyowoyenge ichi, munthowa yiriyose. Ine nkhopulika ŵanyake aŵa ŵakuyowoya vinthu, kuyowoyanga nthabwara zichokozichoko ntheura. Ine nthā nkhang’anamura ichi. Ine nkayowoya ichi, kuti, “Usange kurya maapulo kukapangiska ŵanakazi kumanya kuti iwo ŵakaŵa nkhuḽi, ntchiweme ise tiperekeso maapulo.” Mukuwona? Mukuwona? U-nhu. Mundigowokere ine pa icho, kweni kuti waka ichi chisithe. Ine ndamukakirirani imwe apa, na kuyowoyanga za ŵanakazi, na vinyake ntheura. Ine—ine—ine nkhuḽhumba kuti imwe mutakasuke miniti pera, pa icho chizenge mwakurondezgako. Sono, wonani, imwe. Nthā ghakaŵa maapulo. Ise tikumanya icho.

¹⁵³ Mpingo uli kuzgoka mu mazuŵa agha, na vyakuphindura vyake, ngati ndi vyakuphindura vinyakhe vyose vyakupangika na munthu, ukuzgoka wasayansi. Iwo ŵakuyezga kupanga mpingo wasayansi, mwa kukopa kwa vithuzithuzi na vigongwe vikuruvikuru. Ndipo ntchiheni chomene kuti ŵa Pentekoste ŵanjira mu kachitiro ako. Imwe mungaŵa makorako na tamborini, kusika pa kona, na Mzimu wa Chiuta pa imwe. Kweni imwe mukuyezga kujilinganizga na ŵanyake wose, chifukwa imwe mukapanga bungwe. Ndicho chikachita ichi. Mukuwona? Mipingo yikuyezga kuŵa yasayansi.

¹⁵⁴ Ndipo kumbukirani, apo munthu wakutukuka munthowa yasayansi, iyo wakujikoma iyomwene zuŵa lirilose. Para iyo wakati wapanga futi yakuphuliskira, wonani icho iyi yikachita. Para iyo wakati wapanga galimoto, iyi yikukoma ŵanandi kuruska umo futi yakuphuliskira yikuchitira. Sono iyo wajipangira iyomwene bomba la mphepo. Nkhumanya chara kasi iyo wachitenge vichi na ilo? Mbunenesko.

¹⁵⁵ Ndipo mpingo wachita ntheuraso, apo uwu ukuyezga kuphindura mwa sayansi, na ndondomeko zakupangika na munthu, ichi chikumutorerani imwe kutali chomene na Chiuta, na kunjira mu nyifwa, chomene kuruska umo kukaŵira pakudanga. Uwo mbunenesko. Ntha mungasankhanga mpingo ngati ndiumo imwe mukachitira pa muwoli winu. Mukuwona? Icho sayansi yikamuchitira iyo chikaŵa chakudokiska, kweni ntchiweme imwe mungasankhanga mpingo winu pakuchita ntheura chara; iyo wakapanga vyakujidoŵa, vyakuphoda, na vintu vinyake vyose ivi. Sankhani mwakuchita kuwona nkharo ya Mazgu Ghake.

¹⁵⁶ Sono tiyeni tilinganizge mkwatibwi wa kuthupi wa muhanyauno na mkwatibwi-wakuchemeka ntheura wa mpingo muhanyauno. Linganizgani mwanakazi, wakuruta ku katengwa muhanyauno.

¹⁵⁷ Sono, laŵiskani waka icho sayansi yamuchitira iyo. Iyo wakwiza, chakudanga, na sisi lake lakudumura, na kamoza aka kanozgero ka sisi ka Jacqueline Kennedy, wonani, panji chinyake ngati icho. Ndipo imwe mukumanya icho Baibolo likuyowoya? Baibolo likupereka kwa mwanarumi, usange iyo wakukhumba, wanangwa wa kumupata mwanakazi mu chipati, usange iyo wachita icho. “Iyo ndi mwanakazi wambura ntchindi, uyo wadumurenge sisi lake.” Baibolo likayowoya ntheura. Mbunenesko. Kasi imwe mukachimanyanga chara icho? Nhu? O, inya! Ine nkhupharazga chomene mu California kuti imwe mutondeka kuchimanya icho. Uwo mbunenesko. O, inya! Kasi ichi chikundichitira uweme uli ine? Iwo wakuchita ichi, munthowa yiriyose. Imwe mungayitora chara nkhumba na kusintha zina lake, kuyipanga iyi mberere. Wonani.

¹⁵⁸ Imwe munditinkhenge ine pamanyuma pa ichi, kweni imwe muwumanyenge Unenesko. Mukuwona?

¹⁵⁹ Wonani. Tiyeni tilinganizge ichi. Apa iyo wakwiza na vyakujidoŵera vyose, chinyake icho iyo ntha wali, mkwatibwi wasono. Geziskani chisko chake, mwanarumi wachimbirengeko kwa iyo, panyake. Kumuwofyerani imwe ku nyifwa, fumiskaniko vintu vyose vira kwa iyo. Ndipo ntheura ndimo uliri mpingo na kukuru, kunthazi kwakupenta, na Max Factor wakukwanira wakusambira vyauchiuta. U-nhu. Wose ŵaŵiri ŵali na a—kutowa, chisko chautesi pa iwo, kutowa kwakupangika na munthu ndipo ntha kutowa kwakupangika na Chiuta. Wambura nkharo yinandi mwa waliyose wa iwo.

¹⁶⁰ Wonani, kuyana waka na Satana, vyakukwanira waka vya kunyengera, linganizgani mkwatibwi wasono na iyo sono: wakuvwara ŵakabunthu, wakuphoda, wakudumura sisi lake, wakuvwara malaya agho ghakuwoneka ngati gha ŵanarumi, na kupulikira mliska uyo wakamuphalira iyo kuti chira chikaŵa makora. Iyo ndi wakunyenga. Iyo wazamkusuzgika chifukwa

cha ichi ku vigaŵa vyakuseri. Uwo mbunenesko. Kuchitanga icho kuti wanyenge, kuŵa chinyake icho iyo wali chara.

¹⁶¹ Umo ndimo mpingo ukuchitira, ukutora mukuru DD., Ph.D., LL.D. Ntheura imwe mukuti, “Mliska withu wali *ichi*, *icho*, na *chinyake*,” panji wakumanya vinandi chara za Chiuta kuruska umo wa Hottentot wakumanyira za msilikari wa ku Egupto. Uwo mbunenesko. Inya. Chakuchitika chinyake kuwaro kula cha seminare yakusambira vyauchita, ndipo nthu wakumanya vinandi yva Chiuta kuruska chirichose.

¹⁶² Mpingo wasono na kujipanga kwake kwakusambira vyauchiuta, ŵali na ŵanakazi ŵawo wose na uchindami wawo wakumeteka, na muchenjezi munyake wawo na mliska uyo iwo ŵali nayo, ngati Jezebel usange wakaŵako yumoza. Sisi lakudumura, ŵakabunthu, kujidoŵa, vyose vikupangika ku sangurisko la kusambira vyauchiuta, umo ndimo mpingo ukuyimira. Inya. Kweni nkharo yake yauzimu yiri kutali na kuŵa wakupanga nyumba uyo Yesu Khristu wakwiza kuzakamupokerera.

¹⁶³ Usange Mukhristu waliyose wangatora mwanakazi ngati uyo, chikurongora mwanarumi wawa ku uchizi. Kukhorwa kwake kwa Chiuta na kukhorwa kwake kwa nyumba, kasi yiŵenge nyumba uli, wali kutali, para iyo wakusankha mwanakazi ngati uyo. Chara, bwana. Iyo nadi wangakwanapo chara mu kukhorwa kwa Mukhristu. Nkharo yake yauzimu ndi yapasi chomene, yakufwa, mu kutowa kwa bungwe na udokezi wa charu.

¹⁶⁴ Apo ndipo ndendende mpingo wayimirira muhanyauno, waguriska nkharo yake yakupika na Mazgu kwa Satana, chifukwa cha chisopo chasayansi chakupangika na munthu. Apo, uwu ukaŵa nawo wanangwa, ngati mpingo wa Chiuta, kuti ukhale na Mazgu gha Chiuta na kuŵa na Mzimu Mutuŵa kutewetanga pakati pawo, kumangirira Thupi pamoza na Mazgu na chitemwa cha Chiuta. M'malo mwa icho, uwu ukaguriska mauwere ghake, ngati Esau, ndipo ukatora bungwe, kuwuzomereza uwu kuchita ichi, chirichose uwu ukakhumbanga kuchita, inya, kuŵa waka wakutchuka ngati ndiumo mama wake wakachitira pa Nicaea, Rome. Mazgu gha Chiuta!

¹⁶⁵ O, umo ichi chanjirira mu chigaŵa chithu cha chiPentekoste! Ichi ntchiheni chomene, kweni ichi chikachita ichi.

¹⁶⁶ Wonani, miniti pera, mama wakulumbira mu mpingo wa Katolika. Mwanakazi yura, kuti wazgoke mama wakulumbira, ndipo wakatora chidiko chaumaliro chira, iyo wajipereka nkhanira ku mpingo ula. Iyo ndi (uzima, thupi, na mzimu) katundu wa mpingo ula. Iyo walije malingaliro gha iyoyekha. Iyo wangaŵa nagho chara, para iyo watora chidiko chaumaliro chira, walije malingaliro gha iyoyekha, walije khumbo la

iyoyekha. Wonani kuwaro uku, kuti Satana wakuwapanga iwo vikożgo vyawo, ngati ntchaunenesko.

¹⁶⁷ Mpingo uneneska wa Khristu, Mkwatibwi, wajipereka kwa Iyo na Mazgu Ghake ghakulayizgika, mpaka malingaliro gheneghara ghali mwa Khristu ghali mwa imwe. Mphambano uli!

¹⁶⁸ Ndipo ise tikusanga muhanyauno, kuti, mpingo wasono, mpingo wasono wa charu. Mpingo wasono wa charu ndipo kweniso Mpingo wauzimu yose yiwiri yatora nthumbo, kuti yibabe wana.

¹⁶⁹ Umoza wa iyo, kubabika kwa bungwe, ukuruta kukababa, umoza wa...muhanya, ku...mazuwa agha, pa Mphara ya Mipingo ya Charu, wenuwo uzamkubabira ku charu chikanakhristu, kwizira mu bungwe. Uwo ndi Unenesko ndendende. Ine panji nthu ndikhale wamoyo kuti ndizakachiwone ichi. Ine nkhuomezga ine ndizamkuwa. Kweni, imwe wanthu wanichi, kumbukirani kuti imwe mukamupulika mupharazgi wakuyowoya icho. Icho paumaliro ndimo chizamkuwira. Ndipo icho ndi lusimbo lwa chikoko, para uwu ukupanga Mphara yira ya Mipingo ya Charu. Ndipo uwu uzamkubaba mwana wake, chikanakhristu.

¹⁷⁰ Unyake wapika nthumbo na Mazgu gha Chiuta ndipo uwu uzamkubaba Thupi, Thupi lakukwanira la Yesu Khristu, leneilo ndi Mkwatibwi. Thupi la Khristu lichali lindakwanire. Kasi mbalinga wakumanya icho? Mwanarumi na mwanakazi ndi yumoza. Ndipo Khristu ndi Thupi limoza, Mazgu. Mkwatibwi wakwenera kuzakawa Thupi lose lira. Ndipo wawiri, pamoza, wakupanga Thupi limoza kamożaso. Ngati ndiumo Adam wakawira pa chiyambi: mwanarumi, muwoli wake, ndi yumoza. Sono, Mwanakazi, Mkwatibwi muneneska, ngwakujipereka chomene kwa Iyo, mwakuti Iyo nthu wakugwiriska ntchito malingaliro Ghake yekha. Malingaliro Ghake, nkhumanya, ndi khumbo Lake, ndipo khumbo Lake ndi Mazgu Ghake.

¹⁷¹ Sono muwonani uyo wakuchema kuti mkwatibwi wakusankhika na munthu, ndipo linganizgani wauzimu ku wakuthupi wa muhanyauno, Jezebel wasono wakuroweka na Ahab wake, kutowa kwa Max Factor, chirichose. Lawiskani mpingo, nthowa yenyira, kweni uzaghali ku Mazgu gha Chiuta wamoyo; mabungwe ghakurughakuru, nyumba zikuruzikuru, ndalama zinandi, malipiro ghakuru, vyose kujiperekerathu. Wanarumi kuyimiriranga pa gome kuzomerezganga icho kuti chiri makora, na kuwazomerezga iwo kurutirira kuchitanga ichi. Chinyengo waka, mbwenu kwamara. Nadi Muwiro wakuburumutizgika wa Laodikeya, ndendende icho Baibolo likayowoya uwu uzamkuwa. "Ukati, 'ine ndine musambazi. Ine nkukhala ngati fumukazi. Ine nkhusowerwa kanthu chara.' Ndipo nthu ukumanya kuti iwe ndiwe mukavu, wachitima,

wachiburumutira, msokwa, wankhuli: ndipo ntha ukumanya ichi.” Usange icho ntha ndi NTHEURA WAKUTI YEHOVA, Chivumbuzi 3, ine ndindaŵazgepo Ichi. Icho ndicho uwu uli, ndipo ntha ukumanya ichi! Ghanaghanani za ichi.

¹⁷² Usange imwe mungamuphalira mwanarumi panji mwanakazi, pa msewu, uyo wakaŵa nkhanira nkhuili, na kuŵaphalira iwo kuti iwo ŵakaŵa nkhuili, ndipo iwo ŵakuti, “Manya twako,” chifukwa, kukusoŵeka mahara gha m’mutu kumalo kunyake. Chiripo chinyake chikanangika na malingaliro ghawo.

¹⁷³ Ndipo para imwe mungamanya kuŵazga Mazgu gha Chiuta, umo ŵanthu ŵakwenera kuti ŵachitirenge, na ubapatizo uwu wa Mzimu Mutuŵa uwo ise tiri nawo muhanyauno, ndipo, ŵanthu, chifukwa, iwo ŵakukulaŵiska iwe ngati kuti ukaŵa wakuzerezeka. Iwe kuŵaphalira iwo: “Imwe muli na . . .” Iwo ŵakwenera kuti ŵababikeso. Iwo ŵakwenera kuti ŵagomezge Baibolo.

¹⁷⁴ Iwo ŵakuti, “Chira chikaŵa chidokoni cha Chiyuda, virimika vyakunyuma. Mpingo withu uli nayo nthowa.” Msokwa, wachitima, wachiburumutira, wankhuli, ndipo ntha nanga ukumanya ichi. Kasi a . . . Ndipo Baibolo likayowoya kuti ako ndi kaŵiro iwo ŵakunjiramo.

Kasi muprofeti muneneska wangaphonya uli kuleka kuchiwona ichi? Ine nkhumanya chara.

¹⁷⁵ Kusendemukiranga nkhanira mu mipingo yithu yose, kulikose. Laŵiskani waka pa ichi, mu kachitiro waka kasono. “Muzaghali wakale na ŵana ŵanakazi,” wa Chivumbuzi 17, kuperekanga ku ŵanthu “ŵakavu, ŵachiburumutira, ŵachitima” chisambizgo chake cha kusambira vyauchiuta chakususkana na Mazgu gha Chiuta. “Ndipo ŵakasanga mwa iyo mauzima gha ŵazga, ndipo ŵanarumi na ŵanakazi ŵa—ŵa kulikose.” M’ malo mwakukopa ŵanthu . . .

¹⁷⁶ Khristu wakukhozgera Mazgu Ghake, icho chikukopa ŵanthu. Iyo ntha wakukopa ŵanthu mu mipingo awo ŵakukopeka na mabungwe ghakurughakuru na vyakuchitika vikuruvikuru, na vikuruvikuru chomene vyakuchitika na vinthu vyakunyezimira. Kweni Mazgu gha Chiuta ghakukopa Mkwatibwi wa Khristu.

¹⁷⁷ Sono wonani. Ntchakukondwereska ku—kuwona umo kuti—kuti mpingo ukuyezga kukopa tcheru cha ŵanthu na minjirira yiweme na ŵakwayara ŵakutchena, na ŵanakazi ŵakudumura sisi na nkhope zakuphoda. Ndipo iwo ŵakughanaghana . . . Ndipo iyi yikayimba ngati Mungelo. Utesi ngati devulu, ŵachimbirachimbira usiku wose ku dansi nthaura, ntha ŵakughanaghana kalikose za ichi. Ndipo icho ndicho iwo ŵakughanaghana, “Chiri makora. Icho ntchakutowa.” Kweni,

imwe wonani, icho ntchakupangika mwautesi. Icho ndi Mazgu gha Chiuta chara.

¹⁷⁸ Apo, Mkwatibwi muneneska wakukopa tcheru cha Chiuta, pa kuchita kusunga Mazgu Ghake. Sono wonani. Sono tiyeni timuwone Khristu.

¹⁷⁹ Imwe mukuti, “Inya, sono, lindizgani miniti pera, mukuti uli za kutowa uku uko imwe mukuyowoya?”

¹⁸⁰ Baibolo likayowoya, mu Yesaya 53:2, kuti, para Yesu wakati wafika, “Kukaŵavye kutowa kwa Iyo, uko ise tikamanya kumukhumbira Iyo.” Mbunenesko uwo? [Gulu likuti, “Amen.”—Munozgi.] Mukaŵavye kutowa. Usange Iyo wakizenge mu kutowa kwa kucharu, umo Satana waliri muhanyauno, ŵanthu nthena ŵakamuwunganira Iyo na kumuzomera Iyo umo iwo ŵakuchitira na mpingo muhanyauno. Iwo nthena ŵakamugomezga Iyo, kumupokerera Iyo, umo iwo ŵakuchitira na Satana muhanyauno. Nadi, iwo nthena ŵakachita. Kweni Iyo nthu wakiza mu mtundu ula wa kutowa, kweni Iyo nyengo zose wakwiza mu kutowa kwa nkharo. Kula, Khristu nthu wakaŵa wakutowa, mukuru, wankhongono, Munthu wakututuŵa. Chiuta nthu wakusankha mtundu wantheura.

¹⁸¹ Ine nkhekumbukira nyengo yimoza muprofeti wakaruta kuti—kuti wakatore fumu, kuti wakasankhe fumu kufuma pa ŵana ŵa Jese, kuti watore malo gha fumu yinyake, Sauli. Ndipo nthu Jese wakamuwoneska iyo, wake mukuru, duntu, mnyamata muweme. Iyo wakati, “Mphumphu yizamkuwoneka makora, pa mutu wake.”

¹⁸² Muprofeti wakaruta kuti wakapungulire mafuta pa iyo. Iyo wakati, “Chiuta wamukana iyo.” Ndipo Iyo wakakana waliyose wa iwo, mpaka iyo wakafika kwa mulara muchoko, wakubwanthuka mapewa, munthu wamawonekero ghaheni. Ndipo iyo wakapungulira mafuta pa iyo, ndipo iyo wakati, “Chiuta wasankha iyo.” Mukuwona? Ise tikusankha mwakuchita kulaŵiska. Chiuta wakusankha nkharo.

¹⁸³ Nkharo, nthu wakaŵako munthu ngati Yesu Khristu. Iyi yikukhala mwa imwe ndipo yikumuwoneskera Iyo. Ise tikuwona ichi ndi unenesko. Nthu ndi kutowa kwa kucharu kwa Iyo uko kukukopa Mkwatibwi Wake. Ndi nkharo Yake, nkharo ya Mpingo, iyo Yesu wakupenja; nthu uko kuli nyumba zikuruzikuru, uko kuli mabungwe ghakurughakuru, uko kuli ŵanthu ŵanandi. Iyo wakalayizga kukumana palipose ŵawiri panji ŵatatu ŵakuwungana pamoza. Unenesko. Uko ndiko wakugomezga mweneke wakuŵika vigomezgo vyake, ndi pa Mazgu ghara gha Chiuta ghakukhozgeka mu Unenesko, icho chiriko. Sankhani mwa Mazgu Ghake, nthu gulu lakutemwa charu. Iwo ŵakutinkha icho.

¹⁸⁴ Ndicho chifukwa uwu uli kupatika kwa Iyo, chifukwa uwu uli kuphonya uvumbuzi Wake, ndipo uwu ulije ichi. Iyo nthu

wakuwupwerera uwu, umo uwu ukusewelerera na kuchitira, na unandi wa vinthu vyacharu uwu uli navyo.

¹⁸⁵ Iyo wakupenja nkharo yakhe, nkharo ya Khristu. Sono, kanyengo waka sono. Ndicho ichi. Iyo wakusankha Mkwatibwi kuti wawoneskere nkharo Yake, ku cheneicho mipingo yasono ya muhanyauno yikuphonya Yake—ndondomeko Yake apa, mitunda mamiliyoni, chifukwa iwo wâkukana *Ichi* kuwa Unenesko. Ntheura kasi ichi chingaŵa uli? Sono, Iyo wakulindizga zuwa kuti Mkwatibwi yura wapangike, Wâhebere 13:8, ndendende ngati ndiumo Ichi chikaŵira, umo Iyo wakaŵira. Ichi ukwenera kuwa munofu Wake weneula, viwangwa vyenevira, Mzimu weneula, chirichose chenechira, nkhanira ndendende wakuzengeka, ndipo pamanyuma wâwiri wâra wâkuzgoka yumoza. Mpaka mpingo uzgoke icho, iwo mbamoza chara. Nkharo ya Iyo, Mazgu, ku muwiro uwu, yikwenera kuti yiwumbike. Iyo wakwenera kuti wawumbike ngati ndiumo Iyo waliri.

¹⁸⁶ Sono, mu kujara, ine nkhuhumba kuti ndiyowoye chifukwa icho ine nanguyowoyera vinthu ivi, ndipo ine—ine ndijarenge. Usiku unyake, pafupifupi firi koloko mlenji, ine nkhuwiskika.

¹⁸⁷ Ine nditore waliyose wa imwe kuti wazgore ichi. Kasi ine ndiri kumuphaliranipo imwe chirichose mu Zina la Fumu kweni icho chikaŵa chaunenesko? Nyengo zose chakhala chikuwa chaunenesko. [Gulu likuti, “Amen.”—Munozgi.] Ntheura ndivireni ine, Chiuta wakumanya uwo ndi unenesko. Kulije munyake, kulije kulikose mu charu, pa masauzandi gha vinthu ivyo viri kuyowoyeka, ivyo Iyo wali kuphonyapo lizgu limoza la ichi. Nyengo zose chakhala chikuchitika ndendende.

¹⁸⁸ Nanga ndi apo ine nkhaŵa ku Phoenix, zuwa linyake, panji pafupifupi chirimika chimoza chajumpha ichi chikaŵako, ndipo nkhamuphalirani imwe za Uthenga ula pa—pa *Kasi Nyengo Yiri Vichi, Mabwana?* Ndipo nkhamuphalirani imwe, “Wangelo Seveni wamkukumana kuwaro kula,” ndipo kuwenge kujurika kwa Vididimizgo ivi, na vichi. Ndipo kula—*Life* magazini yikalemba nkhanu za ichi, Laŵi likuru ili kukweranga muchanya mu mlengalenga, mitunda sate kupholika, mitunda twente-seveni mu usani. Iwo wakati iwo wâkatondeka kupanikizga kasi ichi chikaŵa chivichi; nthu wakumanya mpaka sono. Ndipo wanthu wakhala nkhanira muno mu nyumba iyi usiku uwu, wakayimirira nkhanira kweneula na ine apo ichi chikachitika, ndendende waka icho Ili likayowoya. Iyo wakandiphallira ine vinthu ivyo vizamkufiskika, ndipo vikachitika waka ndendende. Umo chirichose cha Vididimizgo vira chikajurikira, ndipo wakaphara vyamchindindi ivyo vikabisika mu miwiro yira ya wâkunozga vinthu na vinyake ntheura, nkhanira mwakufikapo.

¹⁸⁹ Umo, nkhayimirira pachanya pa phiri, wanthu, watatu panji wanayi wa iwo wayimirira nkhanira muno sono, inya, wanandi

kuruska apo. Kukweranga phiri, Mzimu Mutuŵa wakati, “Tora libwe ilo.” Ise tikazengeranga. Iyo wakati, “Liponye muchanya mu mphepo, ndipo yowoya, ‘NTHEURA WAKUTI YEHOVA.’” Ine nkachita. Pasi kufumira penepara pakufuma kafanelu kachoko ka mphepo yakuputa. Ine nkhati, “Mkatikati mu maora twente-foru, iwe uwonenge woko la Chiuta.” Ŵanthu ŵakhala nkhanira muno sono ŵakaŵapo.

¹⁹⁰ Machero ghake, pafupifupi teni koloko, nkhayimirira apo, ine nkhati, “Nozgekani. Khala kusi kwa galimoto uko,” msirikali wakale. Ine nkhati, “Chinyake chikunozgekeru kuchitika.” Ukaŵa mtambo wa mbe, nkhanira muchanya mu mphanje yikuru. Kukakhira kavuluvulu wa Moto kufuma Kuchanya, mwankhongono waka umo Uyu wakakokomokera, wakatchaya vipupa ngati nthaura. Ine—ine nkhayimirira nkhanira kusi kwa Uyu. Ine nkhavura chisoti chane, nkhayinuska mutu wane. Uyu wakiza pafupifupi mafiti ghatatu panji ghanayi pachanya pane, ndipo wakapanga mugero pa chipupa chira ngati nthaura, ndipo wakapuntha. Ndipo wakaruta kuchanya mu mlengalenga, ndipo wakazungulira kamoza, ndipo wakakhira pasi, katatu, wakadumura nanga ndi muchanya mwa vivwati vya makuni ghanonono, pa mitunda thu handiredi yards. Mukuŵapulika ŵanthu ŵara ŵakuti, “Amen”? Iwo ŵakaŵako kula apo ichi chikachitika, wonani, ndipo wakapanga kupuntha kutatu.

¹⁹¹ Para iwo ŵakati ŵafumako kusi ku magalimoto na chirichose, ŵakizaso kwenekula, ŵakati, “Icho chati chikutchayenge iwe, pakaŵengevye malo ghakuterera.”

¹⁹² Ine nkhati, “Wanguŵa—Wanguŵa Iyo. Iyo wayowoyanga kwa ine.” Chiuta wakuyowoya kugwiriska ntchito kavuluvulu. Mukuwona? Ndipo kukaŵa Laŵi la Moto lenelira ilo imwe mukuwona pa chithuzithuzi, likayimirira apo.

Ndipo para Ili likati lakwera kuchanya, iwo ŵakati, “Kasi ichi ntchichi?”

Ine nkhati, “Cheruzgo chikutimba Mumphepete ku Zambwe.”

¹⁹³ Zuŵa lachiŵiri kufuma kula, Alaska wakawoneka kuti watitimira. Mukuwona? Uyu wakatchaya kamoza, kula, kutchaya kwakudanga.

¹⁹⁴ Uko, imwe mukwenera kuti muchite chinyake, kuti chiyimire ichi. Ngati munthu wakaŵika muchere mu botolo, ndipo wakaponya ili mu maji, ndipo wakati, “NTHEURA WAKUTI YEHOVA, zomerezgani paŵe maji ghakunowa.” Ndipo yumoza munyake, Yesu wakatora maji ndipo wakathira agha mu jagi, ndipo—ndipo wakapanga vinyo kufuma ku agha.

¹⁹⁵ Imwe mukwenera kuŵa na chinyake, kuti chiyimire. Icho ndicho chira chikaŵa, icho chikaruta kuchanya mu mphepo ndipo chikakhira pasi. Chira chikayambiska kavuluvulu muchoko yura. Mkatikati mu maora twente-foru, Uyu

wakagwedezga phiri lira mpaka uyu wakapanga mugero kuzungulira ili.

¹⁹⁶ Mliska Mr. Blair wakhala muno, ine nkhulaŵiska nkhanira pa iyo sono, iyo wakaŵa kumtunda kula ndipo wakatora vinyake vya viduswa vya ichi, na vinyake ntheura. Apa pali Terry Sothmann, iwo, ndipo ŵayimirira muno, na Billy Paul. Ndipo ŵabale, ŵanji ŵanandi aŵa ŵakhala muno, awo ŵakaŵa nkhanira kula ŵakuwona ichi chikuchitika para Uyu wakaphwasura ichi.

¹⁹⁷ Icho ndi nkhani yautesi chara. Uwo ndi unenesko. Icho nthā chikaŵako kale mu mazuŵa gha Baibolo. Ichi ndi sono. Mukuwona? [Gulu likuti, “Amen.”—Munozgi.] Chiuta mweneyura uyo nyengo zose wakandirongora ine vinthu ivi, ndipo ivi vikuchitika, ndendende ku lemba. Ntha viri kutondekapo nyengo yimoza. Sono ine nkhuchemerera pa Iyo.

¹⁹⁸ Masabata ghachoko ghajumpha, ine nkhaŵa mu mboniwoni. Ndipo ine nkhayimirira pa a—malo ghakutunthumuka, ndipo ine nkhaŵa kuti ndiwonerethu mawonekero gha Mpingo. Ndipo ine nkhwona, kwiza kufumira ku lane... Ine nkhayimirira pafupifupi ngati kudera *uku*, nkharazga ku Zambwe. Ndipo kwiza kudera *uku* kukaŵa gulu liweme la ŵanakazi, ŵakavwara makora nadi, sisi litali lakumangika makora kunyuma, ŵaphimba mawoko, na masiketi ghatali ghaweme. Ndipo iwo wose ŵakayendanga mwakuyana, ngati, “Tiyeni kunthazi, ŵasirikali Wakhristu, kuyendanga ngati waku nkondo, na mphinjika ya Yesu panthazi.” Ndipo apo iwo ŵakajumphanga, ine nkhayimirira, ndipo kukaŵa Chinyake kula, Mzimu unyake, wakaŵa Chiuta, ndipo wakati, “Apo pali Mkwatibwi.” Ndipo ine nkhalawiska, ndipo mtima wane ukakondwa. Ndipo Iyo wakaruta kuzungulira kudera *uku*, ndipo wakajumpha kuseri kwane.

¹⁹⁹ Pakati pajumpha kanyengo, para iyo wakati wayendera kudera *uku*, Uwu ukati, “Sono mpingo wasono ufikenge pakuwonekera.” Ndipo apa ukwiza mpingo wa ku Asia. Ine nkhaŵa nindawonepo gulu likazuzi ngati lira.

²⁰⁰ Apa yikwiza mipingo yinyake, ya vyaru vyakupambanapambana. Iwo ŵakawoneka mwakofya.

²⁰¹ Ndipo ine—ine nkhuwowoya ichi chifukwa ine ndiri wakukamizgika kumuphalirani imwe unenesko, panthazi pa Chiuta. Ndipo para Iyo wakati, “Apa ukwiza mpingo wa ku America sono, kuti uwonekerethu.” Usange ine nkhwonapo gulu la viŵanda, likaŵa lira. Ŵanakazi ŵara ŵakavura ŵakaŵa nkhuli, na chinthu chakale chamawonekero ghatuwulufu, ngati mtundu wa chikumba cha zovu. Ndipo iwo ŵakachikolera ichi kunthazi kwawo, kwambura chigaŵa chakuchanya cha ichi napachoko pose. Ndipo iwo ŵakachitanga mtundu uwu wa chakuchitika, chakuti, agha—magure agha agho ŵana

ŵakuchita kuwaro uku, kujigwenyura kula na vinthu, na mtundu ula wa sumu yikwimbika. Ndipo para ine nkhati ndamuwona Miss U.S.A. wakwiza, ine pafupifupi nk hazinduka.

²⁰² Sono, ichi ndi NTHEURA WAKUTI YEHOVA. Usange imwe mukundigomezga ine kuŵa muteweti Wake, imwe mundigomezge ine sono. Ine ningayowoya chara icho pawaka mu charu. Mulije ndalama zakukwanira mu charu chose zakuti zindipange ine kuyowoya icho usange uwu ukaŵa unenesko chara.

²⁰³ Ndipo para iyo wakati wafika kufupi, chira chikaŵa chinthu chamawonekero ghaheni chomene ine ndiri kuchiwonapo. Ine nk haghanaghana, “Chiuta, mwankhongono umo ŵapharazgi na ise ŵabale tiri kuteŵetera kuti timusangireni Imwe Mkwatibwi, ndipo ndicho chiweme chomene ise tikamanya kuchita.” Iyo wakajigwenyuranga, wakolera *ichi* kunthazi kwake, ngati chinthu chimoza ichi cha masiketi agha gha mawenjerere, wakolera ichi kunthazi kwa vigaŵa vyake, chigaŵa chake cha kusika, ngati *ntheura*, kuvinanga na kujigwenyuranga ngati ndiumo ŵana aŵa ŵakuchitira kuno pa . . . pa masinema agha ghakazuzi agho iwo ŵali nagho, kujigwenyuranga. Yura wakaŵa Miss Chikhristu wa ku America.

²⁰⁴ Ntheura ndivwireni ine, mwa kovwirika na Chiuta, umo ndimo ichi chikuwonekera mu maso Ghake. Ine—ine mbwenu . . . Ine nk huyamba . . . Ine nkhati ndizindukenge. Ine nk haghanaghana, “Kuyezga kose, na kupharazganga, na kukakamizganga?” Waliyose wa iwo na sisi lakumeta, ndipo iwo ŵakajigwenyuranga na kuchitanga uheni, kukolera *ichi* kunthazi. Iwo ŵakiza kufupi, uko ine nk hayimirira kula na Chamoyo ichi chاوزimu. Ine nthā nkhamuwona Iyo. Ine nkhamanyanga kumupulika Iyo wakuyowoya kwa ine; wakaŵa nkhanira pafupi nane. Kweni para iwo ŵakati ŵang’anamukira kudera *uku*, iwo ŵakolera *ichi*. Na kujigwenyuranga waka na kusekanga na kurutiriranga, kuchitanga uheni ngati ntheura, kukolera *ichi* kunthazi kwawo.

²⁰⁵ Sono, ine chiyimirire mu Kuŵapo Kwake kula, ndipo muteweti Wake. “Ndipo pa vyose ine nk hayezga, ndicho chiweme chomene ine nkhamanya kuchita?” Ine nk haghanaghana, “Chiuta, kasi ichi chikandichitira chiweme uli ine? Kasi ichi chikandichitira chiweme uli? Kulira kose, na kuŵapemphanga, na kukakamizganga, na vimanyikwiro vikuru na vyakuziziswa na minthondwe iyo Imwe mukarongora. Ndipo umo ine nk hayimirira kula, na kuruta kunyumba na kulira pamanyuma pa kupharazga kwa iwo na vinthu, ndipo kasi ichi chikandichitira chiweme uli ine? Ndipo pamanyuma ine nkhu yenera kuti ndipereke chinyake ngati icho kwa Imwe, kuŵa Mkwatibwi?”

206 Ndipo apo ine nkhayimirira apo, kulaŵiskanga, iyo wakajumpha wakaruta. Ndipo imwe mungalingalira chigaŵa cha kunyuma kwa iyo, kwambura kuvwarako kalikose, kukolera *ichi* kunthazi kwa iyo apo iyo wakaruta wakunduzuka, ngati ntheura, ku kugwenyuka uku, kuonyanga marundi ghake ngati ntheura. Ndipo, iyo, o, ichi chikaŵa chaukazuzi, umo iyo wakachitiranga uheni, thupi lake kuyaghayikanga ngati ntheura. Sono ine . . .

207 Imwe mukuti, “Kasi ichi chikung’anamura vichi, M’bale Branham?” Ine nkhumanya chara. Ine nkhumuphalirani waka imwe icho ine nkhawona.

208 Ndipo para iyo wakati wajumpha kufupi ngati ntheura, ine nkhamulaŵiska iyo. O, ine nkhangono zikamara nadi. Ine nkhang’anamuka waka. Ine nkhanghanaghana, “Chiuta, ine ndasuskika. Kula—kuliye phindu kwa ine kuyezgangaso sono. Panji mbwenu ndileke waka.”

209 Mrs. Carl Williams, usange iwe uli muno, ndipo loto lira ilo iwe ukandiphalira ine, kanyengo kajumpha, ilo iwe ukaŵa nalo usiku unyake, ilo lakhala likukusuzga iwe, icho chiri apo. Sigiro yafumiskikako ku woko lane.

210 Pamanyuma, ine nkhanghanaghana waka, “Ine—ine panji ndiruweko waka ichi.” Ine nkhamara.

211 Pamanyuma, mbwenu nyengo yimoza, ine nkhapulika Ichi chikwizaso. Ndipo pakwiza ku chigaŵa *ichi* kukiza Mkwatibwi mweneyura uyo wakuruta kuzungulira kudera *uku*. Apa ghakwizaso madona ghachokoghachoko, ndipo waliyose wa iwo wakawara chakuvwara cha kucharu uko iwo ŵakufumira, ngati Switzerland, Germany, na kunyake ntheura, waliyose kuvwaranga mtundu ula wa chakuvwara, wose sisi litali, nkhanira ndendende ngati ndi yumoza wapakudanga. Ndipo apa iwo ŵakizanga, kuyendanga. “Tiyeni kunthazi, ŵasirikali Ŵakhristu, kuyendanga ngati waku nkondo.” Ndipo para iwo wose ŵakati ŵajumpha wakuwonekerathu wakayimirira apo ise tikayimirira, mbwenu waka pa nyengo yimoza, jiso lirilose likaruta kudera kula. Ndipo pamanyuma iwo ŵakang’anamukira kunyuma, ndipo iwo ŵakarutirira, kuyendanga.

212 Ndipo para iwo ŵakati ŵayamba waka kuruta kukwera mu mitambo, yumoza munyake uyu wakaruta kumphepete kwa chikhizga cha phiri ndipo wakasondomokera pasi, ngati *ntheura*.

213 Aŵa ŵakayamba kuyenda nkhanira kukwera kunjira mu mitambo. Ndipo para iwo ŵakayamba kuyenda, ine nkhawona gulu la ŵasungwana ŵachokoŵachoko kunyuma, ŵakawoneka ngati iwo ŵakaŵa msungwana wa kuvyaruru vyakuwaro, ngati Sweden panji Switzerland, panji kumalo kunyake. Iwo ŵakayamba kulaŵiska uku na uku, ndipo ŵakasanga . . . Ine

nkhati, “Kuchita nthaura chara! Kufumapo chara pa mzere!” Ndipo apo ine nkachemerezga ngati nthaura, ine nkawuka, mu mboniwoni, nkayimirira apo na woko lane kutambasuka ngati *nthaura*. Ine nkaghanaghana, “Inya. . .”

²¹⁴ Ndicho chifukwa ine nanguyowoya icho ine ndiri nacho, usiku uwu. Ine nkukhumba kuti ndimufumbeni fumbo imwe. Kasi nyengo yamara kuruska umo ise tikughanaghanira? Kasi ndikokuti Iyo wachemeka kale na kusankhika, wadidimizgika? Ntha wazamkuwako yumoza wakusazgikirapo, imwe mukumanya. Kasi ichi chingaŵa chamachitiko? O, inya. O, inya.

²¹⁵ Kumbukirani icho ine nkayowoya, zuŵa linyake pa chakurya chamlenji. Mu wanarumi wa kuzekeska chanarumi na chanakazi, muli tivibungu mamiliyoni tukufuma, masumbi mamiliyoni ghakufuma. Kweni pali kamoza pera ka ito kakukhala kamoyo, ndipo, kweni, ito tose tukuyana waka: kamoza pa miliyoni. Kalikose ka ito, sumbi lenelira na mtundu weneula wa kachibungu. Kamoza ka ito kakukhala kamoyo. Tunyake tose tukufwa.

²¹⁶ Kulije munyake wangayowoya kuti sumbi lakukhwima ndi ili, ndipo, o, kuli uli za ichi. Chiuta ndiyo wakwenera kusankha icho, kwali waŵenge mnyamata panji msungwana, wantcheya panji wa sisi lakuphyuŵara, panji chirichose uyo waŵenge. Chiuta wakusankha icho. Ntha lakudanga ilo kakukumana nalo, kweni lakudanga ilo Chiuta wasankha. Panji kamoza kakiza pachanya *apa*, ndipo kamoza. . . Usange imwe mukawonapo, mu chubu chakupimira, kutuwona utu tukwiza pamoza. Ine ndiri kuchiwona ichi. Chiuta wakwenera kuti wasankhe icho. Limoza, lirilose la igho, ghakuyana waka, kweni mwa chisola. Kubabika kwa kuthupi kukwiza mwa chisola. Chiuta wakutorapo limoza pa miliyoni.

²¹⁷ Para Israel wakati wafuma mu Egipto, pa ulendo wawo kuruta ku charu chaphangano, iwo ŵakaŵa pafupifupi ŵanthu thu miliyoni. Waliyose wa iwo wakaŵa pasi pa sembe ya mwanamberere, panji iwo nthena ŵakakhala ŵamoyo chara. Waliyose wa iwo wakategherezga kwa Moses, muprofezi. Waliyose wa iwo wakabapazikira kwa iyo, mu Nyanja Yiswesi. Waliyose wa iwo wakavina, ŵanakazi pamoza na Mirriam, kukwera-na-kukhira chigaŵa cha (pauli) mumphepete mwa nyanja, apo Chiuta wakakoma murwani. Waliyose wa iwo wakayimirira na Moses, ndipo ŵakamupulika iyo wakwimba mu Mzimu. Iwo, waliyose, wakarya manna kufuma mu mapopa, agho ghakambotoka kufuma Kuchanya. Manna ghaphya, usiku uliwose, cheneicho ndi chithuzithuzi cha Uthenga, waliyose wa iwo wakarya kufuma ku ichi. Kweni, pa thu miliyoni, kasi mbalinga ŵakanjira? Ŵawiri. Yumoza pa miliyoni.

218 Kuli pafupifupi Wakhristu fayivi handiredi miliyoni mu charu muhanyauno, kupenda wa Katolika na wose. Fayivi handiredi miliyoni wakujichema wakugomezga mu charu. Usange Mkwatulo ukafika usiku uwu, icho ching'anamurenge... usange yumoza pa miliyoni wangutorekapo. Ine ntha nkhuoyoya kuti ichi chiriko. Kweni usange ichi chikawako, wanthu fayivi handiredi, mu maora ghapanthazi twente-foru, wawenge kuti wakusowa. Imwe ntha mupulikenge za ichi. Kuzamkuwa wanandi wanthaura kusowanga, munthowa yiriyose, ntha chingamanya nanga nkurongosoreka.

219 Pamanyuma ichi chizamkuwa, kuzakachitika kwa ise, mubwezi, ngati ndiumo kukachitikira apo Yohane Mubapatizi wakiza. Nanga ndi wasambiri wakati, "Ntchifukwa uli Malemba ghakayowoya, ntchifukwa uli—wapostole panji waprofeti wakuti, ntchifukwa uli likuyowoya kuti Elija wakwenera kudanga kwiza na kuwezgereska vinthu vyose?"

220 Iyo wakati, "Ine nkhumunenerani imwe kuti Elija wali kwiza kale, ndipo imwe mukamanya chara ichi."

221 Limoza la mazuwa agha ise tizamkulekeka takhala muno, "Kuli uli za Mkwatulo pambere unonono ukuru undafike?"

"Ichi chiri kwiza kale ndipo imwe mukamanya chara ichi."

222 Thupi lose, lakujaririkira mkati, kusungiriranga waka Ichi mu mzere. Ine ntha nkhuoyoya kuti icho chiri nthaura. Ine nkhuomezga ichi chiri nthaura chara. Kweni, mubwezi, para ichi chikuzomezga...

223 Usange ise tiri nako kukhwaskika mu mtima withu, usiku uwu, kuti ise tikwenera kuti tinyolore maumoyo ghithu, na vinthu ivyo ise tiri kuchita, lekani ine ndimunjikizgeni imwe, ngati m'bale mupharazgi. Ine ndiyowoyenge ichi nyengo yane yakudanga, pa gome. Ine ndatalikiska chomene usiku uwu, pa *Ichi*, kuruska umo ine ndiri kuchitira pa chinyake chirichose, nyengo yiriyose, munthowa yiriyose, panthazi pa gulu, chifukwa ine nanguwa na wanangwa ukuru chomene mu maungano agha. Usange imwe mukundigomezga ine kuwa muprofeti wa Chiuta, imwe mutegherezge ku icho ine ndamuphalirani imwe. Usange muli kukhwaskika kuchoko kumoza mu mtima winu, imwe rutani kwa Chiuta sono nthena. Imwe chitani ichi.

224 Lindizgani miniti pera, mwa wanarumi. Lawiskani pa kinu—kachitiro kinu ka vigomezgo ivyo imwe mukutumikira. Lawiskani mu mipingo yinu. Kasi ichi chikuyana waka ndendende na Mazgu gha Chiuta? Kasi imwe mwafiska chakumuyenerezgani chirichose? Mukuti, "ine ndine munthu muweme." Nthaura ndimo wakawira Nikodemo, ndipo nthaura ndimo wakawira wanyake wose. Iwo—iwo wakawa waweme. Mukuwona? Icho chirije chirichose chakuchita na Ichi.

225 Ndipo, mwaŵanakazi, ine nkukhumba kuti imwe mulaŵiske mu galasi, ndipo muwone icho Chiuta wakukhumba kuti mwanakazi wachite. Ndipo laŵiskani mu galasi la Chiuta, nthu mu galasi la mpingo winu sono, mu galasi la Chiuta; ndipo muwone usange imwe mungaŵa ŵakwenerera, mu umoyo winu, Mkwatibwi wauzimu wa Yesu Khristu.

226 Ŵapharazgi, ghanaghanani nthauraso. Kasi imwe mukudumura makona *apa*, kuti muponoske kakhwaskikiro ka munyake kuseri kula? Kasi iwe wati uchitenge *ichi* usange nthu chikaŵenge. . . ndipo iwo ŵakusezgenge iwe mu mpingo? Usange iwe ukupulika nthaura, m'bale wane wakutemweka, leka ine ndikuchenjeze iwe, mu Zina la Yesu Khristu, chimbira ku icho sono nthena.

227 Ndipo, dona, usange iwe ungafika chara ku chakumuyenezga Mukhristu, nthu ngati Mukhristu waka zina; kweni mu mtima wako, ndipo umoyo wako ukukozgana ndendende ngati satifiketi ya nthengwa ya Chiuta yikuyowoyera apa ichi chikwenera kuŵa nthaura.

228 Ndipo, membara wa mpingo, usange mpingo wako nthu uli ngati icho, ungafika pa vyakukhumba vya Chiuta vya Mazgu Ghake, fumamo mu uwu ndipo njira mwa Khristu.

229 Iyo ndi ntchenjezo yikuru. Ise tikumanya chara nyengo, ndipo imwe mukumanya chara nyengo, kuti msumba uwu nyengo yimoza uzamkuŵa uko pasi nkhanira pa nyanja iyi.

230 “O, Kapernahum,” wakayowoya Yesu, “iwe ukajikwezga muchanya, uzamkukhizgikira pasi mu gehena. Pakuti, usange milimo yikuru yikachitika mu Sodom na Gomora, uwu mpanyi ukuyimirira kufika ku nyengo iyi.” Ndipo Sodom, Gomora yiri pasi pa Nyanja Yakufwa. Ndipo Kapernahum wali pasi pa nyanja.

231 Iwe msumba, iwe ukuyowoya kuti ndiwe msumba wa Ŵangelo, iwe wajikwezga wamwene kuchanya, ndipo ukatuma unyakasi wose, vinthu vyaukazuzi vya mafashoni na vinthu, mpaka nanga ndi vyaru vyakuwaro vikwiza kuno kuzakatora ukazuzi withu na kutumizga ichi kutali, ku mipingo yinu yiweme na vigongwe, na kunyake nthaura, umo iwe ukuchitira. Kumbukira, zuŵa limoza iwe uzamkuŵa pasi pa nyanja, kupiringizgika kwako kukuru kuli pa iwe sono nthena. Ukali wa Chiuta ukusunkha nkhanira kusi kwa iwe. Kasi warutirirenge nyengo yitali uli Iyo kukhozganga mzere wa mchenga uwu pa icho? Apo, nyanja yira kutali kula, yakuzongoka mtunda umoza, yizamkuthirimukira mkati mula, kusondomoka kurazga nkhanira ku Nyanja ya Salton. Ichi chizamkuŵa chakofya chomene kuruska zuŵa laumaliro la Pompeii. Rapa, Los Angeles.

²³² Rapani, mwaŵanyake mose imwe, ndipo wererani kwa Chiuta. Ora la ukali Wake liri pa charu chapasi. Chimbirani apo nyengo yiripo yakuchimbirira, ndipo njirani mwa Khristu.

Tiyeni tirombe.

²³³ Chiuta wakutemweka, apo, mu mzimu wane, muli kunjenjema, mtima wane ukuthiska manthonyezi gha masozi gha ntchenjezgo. Perekani, O Chiuta, mwakuti ŵanarumi na ŵanakazi ntha ŵaghanaghanenge kuti icho ndayowoye ngati ndi nthabwara, ndipo ŵanthu ŵa mpingo ntha ŵaghanaghanenge za ichi ngati chinyake icho chikaŵa thinkho panji kuŵasuska iwo. Mphanyi iwo ŵachiwona, Fumu, ichi chiri mu kutemwa.

²³⁴ Imwe mundichitire ukaboni ine, Chiuta Mwenenkhongono, kuti kukwera-na-kukhira mumphepete umu uko ine ndiri kuruta, chirimika na chirimika, kupharazganga Mazgu Ghinu. Ndichitireni ukaboni ine, O Chiuta, usange ichi chingachitika usiku uwu, ine ndaphara Unenesko. Imwe mukumanya mboniwoni iyi ya Mkwatibwi ndi Unenesko. Ine ndatura Zina Linu pakugwiriska ntchito ichi, Fumu, ndipo nkhati wakaŵa NTHEURA WAKUTI YEHOVA. Ndipo ine nkhuwona kuti ine nkhumanya, Fumu, za icho ine nkchuchita.

²³⁵ Ntheura ine nkhumurombani Imwe, Fumu, mu Zina la Yesu, zomerezgani ŵanthu ŵajisande iwoŵene, usiku uwu, ndipo ŵachimbire ku ukali uwo ukwiza, pakuti Ichabod walembeka pa miryango na pa vyaru. Kususka kufipa kwafika kukhwatcha ichi. Mzimu wa Chiuta wakwenyerezgeka wafumako ku ichi, ndipo iwo ŵayezgeka mu sikero ndipo ŵasangika ŵakupereŵera. Phwando la Fumu Nebukadinezar lawerezgekaso, na maguru ghaloŵevu na ŵanakazi ŵakuvwara mwahafu, kujichemanga iwoŵene Ŵakhristu.

²³⁶ O Chiuta wa Kuchanya, muŵe na lusungu pa charu chakwananga na ŵanthu ŵakwananga, Fumu, umo ise tiliri usiku uwu. Chiuta, ine nkhuvezga kuyimirira pakatikati na kuromba lusungu Lwauzimu, kuti Imwe muyowoye mu gulu ili usiku uwu na kuchemera Mkwatibwi Winu ku tcheru Chinu, Fumu, kuti wayende ntha kugwiriska ntchito chimanyikwiro cha kachitiro kalikose ka chigomezgo, kweni mwa kugwiriska ntchito kubangura kwa Ivangeli la Fumu Yesu Khristu. Perekani ichi, O Chiuta. Zomerezgani ichi chimanyikwe, usiku uwu, kuti Imwe ndimwe Chiuta, ndipo Mazgu Ghinu ndi Unenesko. Apo, mwakufikapo, panthazi pa ŵanthu aŵa, ise tikuŵachemera iwo ku tcheru cha Mazgu Ghinu.

²³⁷ Mu Zina la Yesu Khristu, ine nkhuŵarombera Iwo, Fumu. Iwo ŵamuwonani Imwe, kwambura kathini kalikose ka nkchayiko, mukwenda pa gulu lawo na kuŵaphalira iwo ivyo viri mu mtima wawo. Ndipo Imwe mukumanya, Fumu, kuti, sono nthena, icho chikuchitika. Imwe mukumanya kuti uwo ndi Unenesko, O Chiuta. Ndipo ine nkhumurombani Imwe, mu Zina

la Yesu, zomerezgani Mzimu Mutuŵa waŵeyerereso, Fumu, na kusolora kufuma mu gulu ili, Fumu, awo ŵali kulembeka mu Buku la Mwanamberere Wamoyo. Perekani ichi, O Chiuta. Ine nkhuromba na mtima wane wose.

²³⁸ Ŵanthu aŵa, kuthupi, Fumu, ŵangamanya kundipa ine kopala laumaliro iwo ŵanguŵa nalo, kuti ŵavwire Uthenga. Iwo ŵangachita chirichose iwo ŵangamanya kuchita. Kweni, O Chiuta, para ichi chafika pakukhala na Ichi, na kunjiranga mu Ichi, ine nkhuromba, Chiuta, kuti uwu uŵenge usiku kuti Imwe muŵapenge njombe iwo na kupungulira Mzimu Mutuŵa Winu pa ungoro ukuru uwu. Ndipo nkhuromba paleke kuŵa kuseŵera panji kudukaduka, kweni kutengera na kuliranga, na kurapanga, kukoreskanga ku ntchindamira za jotcheru, apo ise tikuwona vyeruzgo vikusunkha kusi kwa ise, usiku uwu. Perekani ichi, Chiuta. Ine nkhuromba mwakufikapo umo ine nkhumanyira kuchita, mu Zina la Yesu Khristu.

²³⁹ M'bale wane, mlongosi, ine—ine nkhumanya chara chinyake chakusazgirapo chakuti ndiyowoye, usange ine ndasanga uchizi mu maso ghinu, mwa nkhangono ya Chiuta, usange imwe mukundigomezga ine kuŵa muprofeti Wake. Iyi ndi nyengo yakudanga pa gulu ine ndiri kuyowoya icho. Kweni ine nkhuwona kuchenjezga kwachilendo kwa mtundu unyake. Ine ntha ndiri wakuvikiririka ku ichi. Imwe mukumanya ine ndiri chara. Ine ntha nkhuwona ngati ntheura. Ine nangugongowa kupharazga Uthenga ula na kuyowoya vinthu ivyo. Ine nanguchimbira mumphepete na chinyake chirichose, kuti ndileke kuchita ichi. Kweni Ichi chayowoyeka, ndipo Ichi chizamkuyima pa Zuŵa la Cheruzgo, ngati kaboni kuti ine ndayowoya Unenesko. Icho ndi NTHEURA WAKUTI YEHOVA!...?...

²⁴⁰ O, Pentekoste, chimbira thaska umoyo wako. Chimbirira ku ntchindamira za jotcheru ndipo chemerezga, pambere nyengo yindamare chomene, pakuti ora lizamkwiza apo iwe ungamanya kulira ndipo ichi ntha chizamkukuchitira chiweme. Pakuti Esau wakapenja kuti wasange malo, gha uŵere wake, ndipo ntha wakaghasanga agha. Ine nkhuwona iwe, o, California. O, ungoro ukuru wa Full Gospel Business Men, awo ine nkhuwatemwa, awo ine ndiri kunyamukira na kujikakirirako, na mtima wane wose, ine nkhumuperekani imwe kwa Yesu Khristu, usiku uwu. Chimbirirani kwa Iyo! Mungazomerezganga chara devulu wayezge kumuziziriskani imwe ku Ichi. Khalani nkhanira na Ichi mpaka imwe muŵe, waliyose wa imwe, wazuzgike na Mzimu Mutuŵa, kufikira kuti, icho chimupangiskeninge imwe kwiza ku Mazgu agha, icho chimupangeninge imwe ŵanakazi kunyoroka, icho chimupangeninge imwe ŵanarumi kunyoroka. Usange imwe mukuti imwe muli na Mzimu Mutuŵa, ndipo ntha mukhalenge na Mazgu, ndi mzimu unyake mwa imwe. Mzimu wa Chiuta uli

pa Mazgu Ghake, gha Mesiya, Mazgu ghakuzozgeka. Mkwatibwi wakwenera kuwa Mesiya-muchoko, Mazgu ghakuzozgeka.

²⁴¹ Tiyeni tiyimirire pa marundi ghithu, mu Zina la Fumu Yesu Khristu. Usange imwe ntha muzamkulipulikasoz lizgu lane. . . Kweni, para Chiuta wazomerezga, ine ndirutenge ku Africa, mu maora ghachoko. Ine panji ndamkuwerako chara. Ine nkhumanya chara. Kweni ine nkhumuphalirani imwe, na mtima wane wose, ine ndamuphalirani imwe Unenesko. Ine ndabisa chara kuyowoya kwa imwe chirichose icho Chiuta wali kundiphalira ine kuti ndiyowoye. Ndipo ine ndayowoya Ichi mu Zina la Fumu.

²⁴² Ndi nyengo yiweme. Ine nkhumanya chara umo ine ningarongosorera ichi. Ine ndayezga kuti ndifumepo pa gome katatu panji kanayi, ndipo ine nkhutondeka kuchita ichi. Ili ndi ora liweme. Mungaruwanga chara ichi. Iyi ndi nyengo kuti, panyake, Chiuta panji wakupanga ntchemo Yake yaumaliro. Ine nkhumanya chara. Iyo wazamkupanga ntchemo Yake yaumaliro, zuwa linyake. Pauli? Ine nkhumanya chara. Kweni ine nkhumuphalirani imwe, kwakulingana na mboniwoni yira, chikuwoneka ngati kuti Mkwatibwi yura wali pafupifupi kukwaniriskika.

²⁴³ Wonani mipingo zina yikwiza. Apo mwali wakupusa wakiza kuzakagura Mafuta, iyo wakatondeka kuchisanga Ichi. Mkwatibwi wakanjira. Mkwatulo ukachitika. “Apo iwo wakaruta kukagura Mafuta, Mwenenthengwa wakiza.”

²⁴⁴ Kasi imwe mwagona tulo? Wukani, mwaluwi, ndipo jisandeni mwaŵene. Ndipo tiyeni tirombe, waliyose yumozayumoza, ngati kuti ise tikufwa pa miniti iyi, mu Zina la Fumu. Tiyeni, waliyose yumozayumoza, rombani munthowa yinu.

²⁴⁵ Chiuta Mwenenkhongono, mutilengere lusungu ise. Fumu, mundilengere lusungu ine. Mutilengere lusungu ise tose. Kasi ichi chikuchita chiweme uli, kwali ise tikuchita vichi, usange ise tikutondeka mu vinthu ivi? Ine ndayimirira ndipo nkhuromba lusungu, O Chiuta, pambere msumba ukuru uwu undatitimire kusi kwa nyanja ndipo vyeruzgo vya Chiuta viphyere chigaŵa ichi. Ine nkhuromba, Chiuta, kuti Imwe muzamkuchema Mkwatibwi Winu. Ine nkhuwapereka iwo kwa Imwe sono, mu Zina la Yesu Khristu. Amen.



KUSANKHA MKWATIBWI CTK65-0429E
(The Choosing Of A Bride)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chinayi kumise, Epuleru 29, 1965, pa ungano ukuru wa Full Gospel Business Men's Fellowship International pa Biltmore Hotel mu Los Angeles, California, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org